



關里誌

藝文誌

十二

ル.5
1635
6



凡50
1635
6

關里誌卷之十二

藝文三

歌詩

古逸孔子去魯歌

史記曰孔子相魯齊人遺女樂季桓子受之三日不聽政郊又不致膳俎於大夫孔子遂行師已送孔子曰吾歌可夫歌云彼婦之口可以出定彼婦之謁可以死敗蓋優哉游哉維以卒歲

臨河歌

孔子適趙臨河不濟歎而作歌曰秋水衍兮風揚波舟楫顛倒更相加歸來胡為斯

楚聘歌

孔叢子曰楚王使使奉金幣聘夫子宰子冉有曰夫子之道至是行矣遂請見問曰太公勤身苦志八十而遇文王孰與許由之賢子曰許由獨善其身者也太公兼利天下者也然今世無文王

雖有太公孰能識之乃歌曰大道隱兮禮為基賢人
 竄兮將待時天下如一日兮欲何之
丘陵歌 孔叢子曰哀公使以幣如衛迎夫子而不能
 反行道在邇求之若遠遂迷不復自嬰中蹇喟然迴
 慮題彼泰山鬱確其高梁甫迴連枳棘充路陟之無
 緣將伐無柯患茲蔓延惟以求歎涕賈潺湲

鷓鴣歌 衝波傳有鳥九尾孔子與子夏見之入以問
 孔子曰鷓鴣也子夏曰何以知之孔子曰河上
 之歌云鷓鴣兮鷓鴣兮逆毛衰兮一身九尾長兮

獲麟歌 孔叢子曰叔孫氏車子鉏商樵於野而獲麟
 夫子往觀焉泣曰麟出而死吾道窮矣乃歎
 曰唐虞世兮麟鳳遊今非其時來何求麟兮麟兮我
 心憂

龜山操 琴操曰季桓子受齊女樂孔子欲諫不得
 而望魯龜山作此曲以喻季氏之蔽魯也曰

予欲望魯兮龜山蔽之手無斧柯奈龜山何

息鄒操 孔叢子曰趙簡子使聘夫子將至焉及河聞
 鳴犢竇犢之見殺也迴輿而旋之衛還息於
 鄒作取操以哀之曰周道衰微禮樂陵遲文武既墜
 吾將焉歸周遊天下靡邦可依鳳鳥不識珍寶泉鳴
 眷然顧之慘然心悲巾車命駕將適唐都黃河洋洋
 攸攸之魚臨津不濟還轍息鄒傷子道窮哀彼無辜
 翱翔于衛復我舊廬從吾所好其樂只且

槃操 卽息取操也曰乾澤而漁蛟龍不遊覆巢毀卵
 鳳不翔留慘子心悲還轍息鄒

猗蘭操 琴操曰孔子歷聘諸侯莫能任自衛反
 魯隱谷之中見蕪蘭獨茂喟然嘆曰蘭當為
 王者香今乃與眾草為伍止車援琴鼓之自傷不逢
 時託辭於蘭云習習谷風以陰以雨之子于歸遠送
 于野何彼蒼天不得其所逍遙九州無所定處時人
 闇蔽不知賢者年紀逝邁一身將老

杏壇吟

魯哀公十一年孔子過故壇歷級而上顧謂子貢曰茲壇乃魯臧文仲誓盟之壇也觀物思人因命琴而歌曰暑往寒來春復秋夕陽西下水東流將軍戰馬今何在野草閑花滿地愁後世因名之曰杏壇吟一以上共十一首

詩 四言

元揭傒斯謁林廟詩

九章章四句

峩峩尼山蔽于魯邦篤生聖人維民之綱一尼山之下有洙有泗有蔚孔林在泗之涘一維彼聖人教之誘之凡厥有民則而效之一維彼聖人覆之載之凡厥有民敬而愛之一既誦其言亦被其服就秣其馬于林之側一既誦其言亦履其武就秣其馬于林之下一六轡既同周侯之東薦之侑之聖人之宮一其音洋洋其趨踴踴其臨皇皇聖人允臧一商民曷之式昭其敬載瞻載思罔不由聖

皇明長沙李東陽新廟告成詩

五章一章章六句二章二章章七句四章章八句五章章十句

巖巖泰嶽新廟有作爰經爰度惟舊規是若載增載拓以光于前略一新廟既構其輝孔炤如輻斯輳如檄斯茂若績若繡惟功之楸厥有加于舊一惟天降災鬱攸是崇惟斯文之恫惟帝降命有嚴厥工惟中丞之風監司之功一廟祀伊俶帝命孔肅曰此大事我其可弗告桑牲冊祝于輔臣是屬臣拜稽首臣曷敢弗恪一廟既新止禮既殷止聖靈降監享吉蠲止天右斯文實亨厥屯如貞斯元如冬斯春惟國有明祀于千萬年

南海霍韜嘉靖癸未謁關里越五年矣今見衍聖先

生猶懷仰昔日因侈以詩

四章一章章十一句二章二章章十八句四章章十

六句昔跡洙泗亦涉其流涉流潺湲不以濟舟豈彼流水

不以濟舟滴彼流水豈維濟舟萬里清流萬古安流
 會海共壑區宇扶浮一昔跡洙泗亦問其源其源脉
 脉其悠淵淵豈彼造次是可問津浴彼洙水既浴我
 塵浴彼泗水復浴我塵塵斯浴矣敢云問津飲彼洙
 水既洗我心飲彼泗水亦洗我心我心則洗矣敢云
 問津一昔跡洙泗亦瞻孔林維檜斯茂維栢斯森猗
 彼檜根今幾千春猗彼栢陰今幾千春瞻彼檜矣天
 露爲之漑瞻彼栢矣天露爲之澤粵檜與栢寔天生
 德澤彼檜栢萬世之陰勿剪檜栢萬世之心一昔跡
 洙泗亦望岱宗萬仞其遙萬仞其崇眇予小子南荒
 之棄望山斯登望流斯沂矧伊岱宗四岳所視彼何
 人斯允懷岱宗彼何人斯同陟岱宗瞻彼岱宗之人
 今悠悠我心

彭澤陶欽臯謁廟詩

三章章八句

煌煌者宮濯濯者豆載陳載瞻聖其子觀維宮煌煌
 維豆濯濯秉心則虔神明斯若一聖人在天其天其

淵降自何方望之儼然儼然來臨樂此聖心戶居中
 堂示我德音一聖不可知神不可思日月爲輪駮而
 去之往來有路闔闢有戶不忘者人萬世之下

晉江黃克績謁聖廟詩

一章章四十六句

謂山蓋高其巔可陟謂海蓋深其淵可測惟我夫子
 莫究其極際天蟠地斯道充塞爲萬世師爲百王則
 可名非名大德不德嗟我小子實鮮知識早歲誦法
 垂老未息如窺堂奧尚阻干闕茲來闕里廟貌是式
 稽首庭除若見顏色徘徊廊廡有嚴有翼禮匪能恭
 而恭斯克蒼蒼古木挺然正直神物呵護歷歲千億
 周人思召甘棠封殖匪物之懷惟德是憶况我聖道
 饑渴飲食人之懷思孰能去臆我來自東保釐是職
 有職不舉厥罪安匿明明聖訓就列陳力詩以責躬
 莫之敢飾一以上共二十二首

詩五言古

隋劉斌謁孔子廟一首

性與雖天縱，主世乃無由。何言泰山毀，空驚逝水流。及門思往烈，入室想前修。寂寞荒階暮，摧殘古木秋。遺風暖如此，聊以慰蒸求。

唐李白送孔巢父還山一首

獵客張兕豕，不能掛龍虎。所以青雲人，高歌在巖戶。韓生信英彥，裴子含清貞。孔侯復秀出，俱與雲霞親。峻節凌遠松，同衾卧盤石。芥水嗽寒泉，三子同二屐。時時或乘興，往往雲無心。出山揖牧伯，長嘯輕衣簪。昨宵夢裏還，雲弄竹溪月。今晨魯東門，暢飲與君別。雪畦滑去馬，蘿徑迷歸人。相思若烟草，歷亂無冬春。

宋趙鼎手植檜一首

擢秀真儒宅，垂陰數仞墻。封培因聖力，茂悅得靈長。根踞龍蛇蟄，枝延鸞鷲翔。勞躬師禹稷，蔓草雜韓莊。

優養明堂幹，蕭森岱嶽陽。圍欺漢武柏，愛掩召公棠。日月成塵劫，乾坤屢戰場。仁恩感樵牧，忠厚及牛羊。不有神明護，寧逃翦伐傷。歲寒千古色，宜並子孫長。

都官員外吳秘謁孔林一首

高天之有文，星辰豔穹碧。厚地之有文，草木秀野色。草木既無辭，星辰亦難測。詎侔人之文，五經為藝極。五經主者何，豈非至聖力。三才久虛位，待我先師宅。秘亦窮經者，自謂入闕闕。天地無逃數，世人猶自惑。代移文不移，宜在弟子職。薰香達誠悃，滴酒瀝臍臆。瞿然見威容，長林登墳側。

四十六代孫舜亮手植檜一首

聖人嘉異種，移對誦絃堂。雙本無今古，千年任雪霜。右旋符地順，左紐象乾綱。影覆詩書府，根盤禮義鄉。盛同文不朽，高與道相當。洙泗滋榮茂，龜蒙借鬱蒼。毓靈全木帝，鍾秀極勾芒。氣爽群居席，烟凝數仞墻。

陰連槐市綠子落杏壇香布露周千尺騰凌上百常
 傍欺泮林小遠笑嶧桐黃屹若檠天柱森如出日桑
 風中雕虎嘯雲際老龍蟻直欲驚鸞懸端疑待鳳凰
 麟差闕鞏鞏甲翰錯羽林槍大節忠臣槩堅心志士方
 魯宮侵不得秦火縱何傷宣子休誇樹姬人謾愛棠
 松卑虛視爵花賤枉封王誰念真儒迹何當議寵章

元學士張起巖謁孔林

一首

迢迢魯城陰長林蕭秋色修門負平崗重墉屹玄宅
 交柯轟雲霄文楷間蒼柏翁仲儼儀衛齋聽敞虛白
 境土自清曠密茂不容隙巢居絕禽鳥鬱茁無寸棘
 苔蘚帶堅埴草露濕寒碧肅躬款崇闕屏氣前蹶蹶
 高陵遂瞻仰素願慙平昔聖裔借宥長聯翩來接跡
 羅列儀雍容奠拜助登陟慨然漱深思辭容宛如覲
 徘徊凝睇久景慕遂嘆息緬想萬世功細常賴扶植
 林林區宇內孰不沾聖澤宜哉子孫枝蕃衍挺珪璧
 百代如一日附隴守宗國欲歸重躊躇歷覽撫碑刻
 崇文際皇元新廟再修飭風厲示多方鐫銘有穹石

山東康訪王慎謫關里

一首

庭訓墮渺茫師授悖嚴戒嗟予不惑年行已得夷隘
 今歲客東魯似為神所介駕言逐秋風得展關里拜
 遙遙曾旬餘汶水走湍瀨憑軾望雲林鬱鬱佳氣鬱
 齋莊趨兩楹奠獻成孤酌歸然三聖封仰止高泰岱
 恨生千載後今夕備酒掃披雲觀天日太極開一畫
 彼蒼詎能言壽壽聖為代三綱與九法範圍無內外
 君臣以之定乾坤以之泰東周不可為述作萬古賴
 眇聆狗鐸音光化雷雨解敬想燕居容金聲鏗玉珮
 當時七十子授受嚴如待鳳兮鳴幾時諸子沸秋籟
 一朱亂紅紫百谷茂稗稗愚者甘下達誕者樂語性
 韞藏寶康瓠軒棄清廟鼎明倫得不泯而有六經在
 天高孰可階一氣包厚載茲遊固難言默契心有會
 胸中九雲夢吞納失芥蒂循循善誘詞師也書諸帶
 一奢去無復荒陵餘石獅煌煌天乙孫膚敏半冠蓋
 德博慶自修道大勢能邁金泥貫元精泗波來遠冰

汪濊一聖海不隨梁木壞歸侍金絲堂持齋聞聲效
恍如到帝所鈞天廣樂備洗我兩耳聰肉味忘一噉
詠歸寫遺音風雅變靡靡一簞老東家吾知其樂大
遲遲不忍去寒日下蒼檜

兗州知州汪澤民謁林廟一首

巖巖泰山陽湛湛洙泗水鬱鬱楮林林行行瞻闕里
廟庭獲展敬德容斯仰止當座儼龍蹲參前疑鳳峙
蓋蠲拜陵下慨嘆曷能已六籍苟磨滅九法孰條理
宜哉百王師萬國恒通祀矧茲禮義邦神化素漸被
分符誠愚朽鉛刀思礪砥上答罔極恩下不愧為士

東平蔡文淵謁聖廟一首

翼翼素王宮棟宇明朝曦誠心一瓣香拜奠謹如儀
上願國祚昌文教振一時下願民安業風俗變純熙
吾道互天地網紀斯民彛血食徧海宇巍巍帝者師
鯁生無肖似瞻企遂所期從容舞雩風歸詠樂無涯

濟寧府知府王德修謁聖林一首

東魯稱文獻尼防毓聖賢道開周宇宙神照魯山川
翠合知林墓翬飛識廟喚殿庭千百載風雨幾經年
為牧于茲久脩車愧不先德如宣父在裕及子孫綿
昭代猶加尚明庭已降錢榷楠會山積棟宇見星連
禮樂從斯盛蘋蘩且致虔斯文應永隆吾道日平平

翰林周伯琦謁聖廟一首

闕里宣尼宅儒林禮樂區右文昭代盛報德聖恩殊
天語頒中禁星軺發上都內廷香繞案光祿酒浮壺
持節慙專對于原慎載驅秋陽晞稼穡畫路走槐榆
歷歷由濟汶行行望泗洙代山宗標近甸魯殿沒荒蕪
不見二家采惟餘五父衢祠嚴柔日逼林近絕晨趨
廢堞依修阜危臺記舞雩廟官參象緯書閣壓城闈
反宇周阿峻迴廊百步紆蛟鱗蟠玉柱螭首響金鋪
庭迥檜千尺壇虛杏數株省牲新雨霽釋奠舊童敷

關戶陳邊豆歌應瑟等尊居玄聖儼侑食列賢俱
 興頌鑿珩珮周旋顧履絢裸將宸意達祝告下誠孚
 明燎燭雲陛祥熏集寶爐正觀周典禮寧數漢規模
 似續于今盛欽崇自古無練垣隆象魏穹石峙龜趺
 萬卷牙籤秩雙亭翠竹扶山川光拱揖泉井澤沾濡
 推本尊師道題名述廟謨佇看耄耋帛豈復嘆乘桴
 制作先東魯朝廷用大儒愚生亦多幸歸止孔林圖

皇明南海黃哲謁先師廟

一首

解組辭郭郭驅車循魯坵前登闕里近端仰素王靈
 倚蘭遺芳潔神檜鬱蔥青時化洽干祀奎光浮四溟
 多儀殷廟享斯民傳壁經几筵猶設席容秩儼充庭
 所念迷途者空瞻明德馨因蒙今獲吝幽排未遑寧
 靡靡寒水至塗塗朝露凝逆回馳驅意夙夜思儀刑

長洲徐源題手植檜

一首

孔庭訖端拜有樹當軒垂根槎僅百尺上閱姬周儀
 徘徊再瞻顧宜尼手親移種自闕里地灌以洙泗池
 斯文續東壁藜豈秦火炊念此千載下東家聳高楹
 穹碑與喬木林立如廣晔名書掣驚電雄文炳重離
 回頭向東岱御帳高已卑珍培賴衍聖斤斧非所宜
 皇天佑吾道綿遠仍若斯維此亦木爾所歆寧在茲
 寰中大山壑庶笑萬年枝

長沙李東陽謁尼山

一首

迢迢魯城路望望尼山峰坤靈在其西顏母在其東
 周原敞宏址中有文宣公年深歲復改上雨兼旁風
 蒼黃設俎豆俯仰思儀容周旋入寢殿榱棟半已空
 丹青剝像貌暴露炎埃中因之起深痛蹙額面發紅
 荒苔卧石柱隱隱雙雕龍乃知前朝事規制本穹隆
 興替豈有時闕里方尊崇紛紛縑黃革各自傳其宗
 珠林映貝閣勢若爭雌雄吾曹衣冠士此涕詎無從
 昨逢中臺彥感舊傷遺踪惜哉不共到獨此心忡忡

他時按部後為我泗青驄

長洲吳寬謁聖林一首

兩楹既夢奠，黯矣斯文光。鬼鬼魯城北，冠履於焉藏。
墓木不可辨，合抱十萬章。相傳門弟子，移植來四方。
惟昔昔治任，日相向。哭且傷，孰知千載下。儒者猶心喪，
愚生復何幸。瞻拜俄其傍，去我有周末。藹然觀溫良，
如陪游與夏。執贄同升堂，倦倦東引領。夙願今始償，
嶧山千仞高。泗水百里長，何必四尺封。天壤俱存亡，

前人手植檜一首

魯宮久已壞，孔宅仍如新。悠悠二千載，手澤嗟猶存。
所存匪他物，奇樹當高門。相傳藉文字，烈人經嬴秦。
而此特萌蘖，挺然異其群。群木繞庭際，合抱如雲屯。
尋常豈得似，噫然成族文。端如人索綯，微纏依然分。
米芾好奇士，於道未必聞。玩物有述作，意與石文均。
我來重謁拜，欲去几幾巡。維魯多松柏，斷度見詩人。

徂徠與新甫，遥瞻失嶙峋。

李東陽次韻一首

孔庭盡烈火，廟貌倏更新。嗟哉古檜燬，僅見孤根存。
槎牙挿高空，突兀撐重門。禮祀嘗及漢，官封未汙秦。
所貴手親植，不與萬木群。翻令眾芳茂，蒼鬱紛成屯。
枯芳發餘燼，往代有遺文。旦夕或可期，今古何當分。
雷聲久絕響，五月始一聞。別茲時雨降，遠邇皆覃均。
仰高復好古，一日累數巡。發育豈無地，栽培方有人。
何年重頌，蓋翹首青嶙峋。

謝鐸次韻一首

大化靡靡，終極萬物恒。更新誰其天地間，亘古能獨存。
嗟嗟手植檜，屹立當孔門。托根在洙泗，歷年自周秦。
依然直氣在，不與萬木群。漢牢實肇祀，韉騎不敢屯。
鬱攸彼何物，禍烈乃斯文。崑岡一夕變，玉石遂不分。

日月動悲慘遠近駭見聞碩果諒不食剝復理則均
我昔再拜之却立為遂巡栽培信有天迴幹或在人
何當與新廟氣勢相嶙峋

李傑次韻一首

孔廟甫修復規模煥然新獨憐手植檜惟餘根幹存
伊昔挺蒼翠特立當廟門拱把從姬周長養追嬴秦
奇木世無二紋理自不群松栢列四周環衛若兵屯
鬱攸何肆虐寧不為斯文素王遺舊蹟榮枯一朝分
我嘗往祭告目睹非耳聞同行二三輩感歎與我均
尚冀復萌蘖旋視知幾巡參天更可嘆記述徵前人
豈但嶧陽桐孤高何嶙峋

儲確次韻一首

物理有代謝陳根仍復新荷歟千年檜乃此枯株存
想當翳鬱時羽蓋曾東門坑焚幸不及白兔述狂秦
豈無四方樹枯木難為群上無鸚鵡巢下免蟻蟻屯
鱗皴苔蘚跡茫昧蚪蚪文云孰紀顛末嵌壁書八分
我來劫火餘所見異所聞傷哉翰林句感嘆傳成均
南枝幾時復青帝將東巡豈繫孔氏木四海皆門人
會見于霄姿身繹爭嶙峋

喬宇次韻一首

聖道炳日月萬古常新植物匪觀美曰此手澤存
移株嶧山麓垂蔭闕里門宮室不壞曾焚燔豈遭秦
孔林材寔多不與群卉群盤拏作龍立蒼翠如雲屯
閱歷數千載尚有左紐文傷哉鬱攸變烈焰從何分
殿庭亦煨燼異事駭見聞萬物有代謝盛衰理則均
靈根定不死元氣相周巡一枯復一榮天意豈在人
陳芟發新廟岱嶽同嶙峋

李永敷次韻一首

商榷夢不返時代日以新孔庭一古檜手澤此僅存
 培植信得地鬱然當聖門書焚林無恙虐焰經狂秦
 山靈為詞護神物自莫群不辱螻蟻穴時來鸞鳳屯
 昌辰忽遺燼夫豈厄斯文幽明諒交質此理誰當分
 榮瘁徵往代奇事夙所聞聖德極參贊要使發育均
 三年未萌蘖造物何遠巡願言藉廣蔭終古幸吾人
 宮墻限遠道仰止東嶙峴

安成趙璜次韻

一首

廟庭幾千載燬矣仍復新大哉吾夫子天地與俱存
 不有干霄木何以表聖門况茲手親植年所跨先秦
 彼五大夫者安敢窺其群龍姿閱冬秀翠蓋當夏屯
 對取乾坤象旋成左右文云胡因回祿烈焰起夜分
 顧此亦數耳榮枯夙所聞九泉無曲處春意施必均
 吊災阻修道東望日幾巡本深未還茂天定終勝入
 再挺歲寒標龜息讓嶙峴

莆田林俊次韻

一首

物理有代謝人事多故新皇王與帝霸在眼今誰存
 兩楹久夢奠手植猶廟門紀年繫衰周歷却經暴秦
 九泉絕根曲松桂非其群李趙盛兩見鬱爾蒼雲屯
 萌蘖百年內左紐還舊文默運自元化一體氣馬分
 鬱攸適為虐此酷能前聞枝葉化灰燼禍比林木均
 猶餘根與榦周視還百巡蘇枯諒斯在脉理關天人
 剛貞候芽茁怒長相嶙峴

固安楊維聰謁林廟

一首

驚風飄寒雨秋杪凄重陰徘徊曾故墟榛莽成荒林
 靈光亦已廢闕宮詎及今巍然天子宅殿無何嶙峴
 往昔講禮徒易世猶來臨斯文信在茲遂緒誰復尋
 履烏化既又絲竹無遺音仰瞻數仞墻惕厲感我心

莆田林鈇謁林廟

一首

倚彼宣聖林完完夏屋封蕃卉鳥擗天沃澤光隆隆
 外有聖主稜崩毀瑱高蟲惟靈浩浩既氣氤滋青蔥
 群森享遐祀徵材奚能窮穹廣芬郁彌時至游鳳龍
 况求謝剪翦翬優零雨露洪豈彼灌樹然卑化荆棘庸
 結根但不迷華實茂鴻蒙
 秉節戾魯甸代瞻尋管蒼撫眺春秋臺涕洟鳳凰岡
 登遊弗倦路奮身洙泗鄉長怨簡冊濁隆思循宮墻
 齋明俛階阼肩躬日無皇企教祚世弭求邁德愈彰
 經道日月流松柏摩天荒馨雲沕穆回昭泗澤流滂
 但傷湍瀾遠竊潤怨殊行洪覆荷無類聖遠時靡常
 於微小子為藻服升斯堂衷懇設神教濯世祐其良
 享化格天順岡野群麟鳳

天水胡績宗謁廟二首

鷄鳴起盥漱平明登宮墻對越杏壇下環珮肅鏘鏘
 束芹湛桂醕至馨澈崇堂旅獻列臺使松檜錯冠裳
 百拜意未已瞻顧徒洋洋闕戶恍有見闔戶忽無將
 仰聖歷千祀龍去何茫茫

巖巖泰山高混混洙泗深杏壇依古檜不見琴與瑟
 遂令千載下空懷尼父吟回黜不復作雅頌無遺音
 瑟今復絕響輾轉傷人心陰陽有天地詩書無古今
 甞勉學顏子所樂何能尋一右杏壇
 蒼檜何鬱鬱天地培其根手植未千載高出數仞垣
 援琴息檜下枝葉時翩翻廟災檜亦火枝甦葉復繁
 顯晦豈無數榮枯應有端重來謁闕里攀檜夫何言
 但願檜復發陽和回至坤一右手植檜

江東陳欽謁林廟一首

逶迤出周道迢遞度雲岑聖門若天遠詎謂路可尋
 幸茲偕同氣翩翩聯走修林拜稽杏壇下一寫平生心
 登堂瞻展鳥恍接馨歎音循階悼靈檜手澤良已深
 低徊不能去感戀盈中襟欲頌難為言翹首發謳吟

陳鎬同謁次韻一首

泰岱嶽東服九州拱千岑鍾為吾夫子壁立逾萬尋
 其高既如天其從固如林秉爨有彼好終古茲同心

况兹棲神地過化聞遺音明明日月光浩浩江海深
竊此隙分餘何能領冠襟永言共鞭策六籍窮披吟

林俊謁聖林 二首

魯阜盡陰翳孔陵多景光乃知泰嶽下中有元氣
不不容道何病世代餘衰蕘滄桑互變滅若斧居一方
玉書護林木樵採誰敢傷兒孫麗千億宿纍聯近喪
譬如天之樞衆星拱其旁精神感會聚嗣述俱質良
罄折禮讓素金絲誰家堂我生百代後瞻奉茲始償
悲谷日已夕執役必逾長麟泣動宿感大雅傷詩亡

張壁謁廟 二首

北上過濟州望苑促行色朝驅河上車暮憩魯中宅
平明躋闕里零雨洒巖栢涼涼泉石清皚皚霜木白
翁仲羅庭堦檀欒蔭窓隙山空淨祠壇樹老斷荆棘
神路遂且長亭殿丹以碧拾級轉逶迤斂衽還踈蹠
游衍成壯觀夢想自疇昔山川殊精靈典章豈陳迹
封樹何鬱盤蹠亭幾登陟向來慕勝境及此遂良覲

臨眺脛豈怕展拜氣方息還遶楷林木雨露正培植
遙探洙河水流波乃潤澤有如聽金絲復若獲珙璧
卓哉賢聖林矧茲禮義國世守良裔孫詩成付新刻
徘徊恒顧瞻鑽仰即修飭天地繪何能泰山有玄石

江陰張袞謁聖林 二首

晨興東冠帶齋沐清心魂逶迤泐遐曠仰止聖之門
青松夾廣衢我閣捫長參中有夫子域隆隆魯高岑
嘉木產異壤駢植成崇林緬懷弟子意奚啻丘壠心
事師托喬木羅賢呈球琳鳥飛不敢下豹變能已深
真宗一駐蹕輦路流芳陰古堂奮逸響騷客揚哀音
異時霸王業世換各遂淪宮殿既已隳材木亦已薪
榮華歛消歇道德會清真立言貴群籍垂憲敷千春
化工區草木雲雷著經綸天地自不息古今孰與倫
瞻拜不能去嘆息於獲麟

東海蔡潮謁林廟 二首

宣聖魯所生功化彌九有時哉值周末道脉天同父
我知聖即法謾論尼山阜元氣自流行轍環豈云偶
春秋日絕筆天係麟獲否潮也東海人仰止斯文後
分席恨愚心寸心懸北斗瓣香萬里馳肅肅快奔走
秋陽江漢思馨欬儼如受平生所見聞泰山真一抔
含情睠松楸踟躕幾回首願盧洙水側夢寐循循誘

安成鄒善謁聖廟一首

聖聖傳此心大成屬夫子懷德亦何深頻年趨闕里
宮牆信巍巍數仞安足擬未窺好學門寧知作聖址
真廷述精一周室師敬止無言律天運不舍法逝水
賜也雖云辨天從測其涖惟茲暗暗誅濯暴得真髓
泰嶽仍齊雲泗流還徹底悠悠二千年誰為振遺軌
濂洛源同濬會稽聿並峙識仁與致知言殊趨一爾
嗟予承嚴訓弱齡探至理四十尚無聞修途浩靡靡
感來作與并脂策敢云弛銘心在默識永肩盡餘齒

江東馬從謙謁聖廟一首

遠阜驅塵轂孔門紀勝遊岱山雲封劔履海日掛松楸
吾道歸東魯天心愛晚周杏殘猶帶雨樹老却成虬
忽聽玄英起遙凌紫翠浮炎埃坐消歇風落萬山秋

上虞朱衮謁聖廟一首

垂齟習日文字已知仰夫子顧年三十餘始來登闕里
百拜輸夙誠精靈不俱死新杏圍舊壇壞壁沒遺址
尚留手植檜孤撐異文理分明斯道源活活沫泗水
光山一卷多毓秀誰與比泰岱寔主張人文肇於此
天不開日月萬古長夜裏衮冕不為崇龍宮不為侈
世教垂無窮廟食曷有已徘徊瞻顧問陟躅二千紀
何幸逢大觀光風襲人美讀書不來茲那得破疑似
還須登奎文一覽刪書矣

嶺南湛若水謁聖廟一首

悠悠宇宙內斯人獨長勤誰立萬古心所賴大聖人
六籍開知見耳目長得新元氣豈岳降此地傳紱麟

佳氣遠張謫况乃親炙存杏壇沛時雨高第集如雲
當時侍講帝所志皆求仁仁也人心耳五十愧無聞
稽首奠心曲誘衷希聖神

邵經濟謁聖廟 一首

王風久不競斯文在宮牆麟出一復遊鳳鳴徒鏘鏘
鑄顏其庶幾由也亦升堂相將被章縫豈虞玄衮裳
道德日皜皜江海時汪洋百王殫尊稱至聖肆所將
日匪尼山靈天地終迷茫

江右尹臺謁廟 一首

肅穆祇玄觀齋條陳素虔覲高軫峻極測深窮淵泉
大哉聖神德萬類均陶甄洪纖既并冒今古疇戾愆
恭惟生人理有開象帝先闡天示性牖直藉聖功宣
曉昔夫子作曰丁時數遭五三道方墜系若綴旒懸
六藝微言寢百氏競逐皇極既棟小儒構因椽顛
豈無文武澤溼竭誰浚沿黎黔嬰禍竈戰爭同跼焉

閔閔姬旦邦經制存空編夫子生其壤舉趾憂陟蹇
仕魯身既黜思周道豈旋遺聞感述作簡袞何浩繁
刪修輔入紀大法炳曠丹曾史二三策褒誅在二言
我生千世後眇默窺霧穿洪瀾洒勺潤河挹難置涓
幸以鞅輪稅獲睹廟貌嚴金絲雖暫響羨墻宛覲瞻
教鐸揚誰嗣庭除宵孤壇載觀左紐檜攬淚交潺湲
永願洙泗流億祀百閱壘緬邈企陟降營魄迴穹煙

吉州張程謁聖廟 一首

捧綽趨東郡攝衣仰大成乾坤開棟宇日月與崢嶸
綺殿丹青潤戟門粉黛呈英賢紛俎豆嗣續累簪纓
泰嶽雲長護洙源澤愈泓靈分吳帝勝雄峙魯公城
祀遍皇輿重規先闕里宏豐碑盈戶牖遺像見墻羹
酷虐悲秦人衰崇展漢牲一玉音含雨露螭首覆瑤
瓊奎閣光躋手金堂夜啟聲山頽文未喪麟死道常
明檜榦蒼蛇色杏壇春雨鳴舞庭干羽奕人里絃歌
鏗鳳德芳愈久龍飛運屢更右文隆

聖典與藻慰平生陟降冠裳集鐫題漢魏精徘徊延夕
景登覽勝蓬瀛美矣天難企陽然內自驚願言敦至
德濡素水爲盟

閩中蔡經謁聖廟一首

太極隱混沌陰陽闢元始
徑徑復秦秦疇焉振人紀
緬惟羲黃間此道平如砥
精一紹廼傳周文率其軌
陵夷歷春秋不絕如綫耳
尼山久鍾靈天縱吾夫子
上以繼百王下以開千祀
垂教在憲章翊世遵倫理
日月並貞明天地無窮已
巍然見宮墻幸茲趨闕里
穆穆瞻聖儀肅肅薦繁芷
斯文予何人勗哉爾多士

崑山顧夢圭謁聖廟一首

尼丘孕元聖宇宙垂六籍
風移有淳漓文在無淪斲
慶雲翊崇宮芳蓀羅故宅
絃誦誰則聞吁嗟問遺迹
象賢修禮物明禋報豐德
雖隕郊西麟永耀壇前植

六十三代孫貞棟陪鄭明府材葛郎中曠謁祖廟一首
安肅與平昌聖門兩弟子
生髮讀孔書結髮事明主
行役在泰山連鑣趨闕里
入郭謁宮墻出郭拜陵趾
自幸千載下展敬遂仰止
遲迴廬墓堂懷賢曷能已
登閣望尼防指點煙霞裏
道脉信如斯泠泠洙泗水
別去兩無言電勉各自矢

莆田陳經邦謁林廟一首

斯文天末墜夫子起追尋
異質標河嶽鴻裁照古今
千年玉祀報六籍聖思深
遙入麟蹤里還趨馬鬣林
歲書留故址曳杖想遺音
魯士猶觀禮門人昔治任
檜存周季色松結漢時陰
峻閣奎文在孤亭御蹕臨
鈎衣寧有草巢樹獨無禽
道脉過洙水宮墻並泰岑
緬懷大種邈求歎哲人沉
莫恠低回久彌縣仰止心
一蕭條魯城隅見此馬鬣封
洙水抱寒原楷樹猶蒙
茸牲代迴變輿盟薦蒿萊中
知德良有俟吾道詎云

窮落景眺雙碣心喪逆悲風賢哉端木氏築室有遺踪

錫山龔勉恭謁闕里一首

夙昔抱微志夢寐見宮牆揭來入東魯敬謁闕里堂
廟宇瞻遺像萬古仰冠裳杏壇垂教澤金玉聲鏘鏘
手槍握元化榮枯繫興亡始信聖人道實同天地長
五十愧無聞對此徒望洋敢不益努力尚趁秉燭光

江夏郭正域謁聖廟恭紀一首

太極判鴻濛中天產玄德當年不執政今日奄魯國
石龍蟠兩楹瑤階前闕古檜出雲根生前親手植
鱗鬣儼帝居丹壁繪兩翼人間帝者師世更幾萬億
上殿瞻周冕猶見申申色壇上杏花紅林前洙水黑
元氣何龍葱百里無荆棘吾道日月明中天自不息
世若無六經長夜渺難測云胡倡披子淫辭莽相蝕
不識造化心欲毀萬古則予來自辟雍誦讀勉不惑
稽首望天階思以酬罔極一以上共五十首

詩 五言律

唐玄宗經鄒魯祭孔子而嘆一首

夫子何為者栖栖一代中地猶鄒氏邑宅即魯王宮
嘆鳳嗟身否傷麟泣道窮今看兩楹奠當與夢時同

張說應制奉和一首

孔聖家鄒魯儒風藹典墳龍駢過舊宅鳳德詠餘芬
入室神如在升堂樂自聞懸知一王法今日待明君

張九齡應制奉和一首

孔門泰山下不見登封時徒有先王法今為明主思
恩加萬乘幸禮致一年祠舊宅千年外光華今在茲

韓翃送故人孔公歸魯一首

魯客多歸興居人悵別情雨餘衫袖冷風惹馬蹄輕
秋草靈光殿寒雲曲阜城知君親省後少婦下機迎

元謝彥賓謁聖廟一首

聖道遺宗主，干戈隔歲年。相傳周禮樂，魯是魯山川。日月靈光古，乾坤氣象全。東家典刑在，喬木翠參天。

楊惠謁聖廟一首

分符適東魯，喜到聖人門。洙泗清流遠，尼山紫氣屯。過庭遺訓在，入里古風存。治代極崇祀，承家有孝孫。

皇明河東薛瑄詩禮堂一首

洙泗趨庭日，相傳自世家。三千惟有敬，一語自無邪。喬木參天色，猗蘭繞砌花。遺風從此地，化雨被無涯。

李東陽謁聖林一首

古木千年在林深，五月寒思深。周雨露儀識漢衣，冠駐蹕亭猶峙。巢枝鳥未安，斷碑叢樹裏。無路可尋看。

彭勗謁聖廟一首

魯國空榛莽，巍然闕里存。年深檜愈茂，世遠道彌尊。地湧奎文閣，天開毓萃門。承家遙世數，六十代仍孫。

毘陵唐順之送孔上公助祭太學歸闕里一首

國喜嘉賓至，人攀上客行。來觀周室禮，去入魯王城。新衣山龍炫，餘堂金石鳴。聖朝稽古意，待爾示諸生。

衍聖公承慶題擊蛇笏一首

傳家何所有，槐笏至存。不假朱雲劍，能殲白布魂。姦邪皆遠避，魍魅自驚奔。要識剛風在，須看漬淚痕。

瑞陽熊相謁聖廟一首

闕里環洙泗，新城喜屹如。今為天子使，昔讀聖人書。文獻徵商後，園陵訪魯餘。徘徊不能去，日暮強登車。

前人手植檜一首

夫子庭前檜，傳來夫子栽。霜皮皆左紐，野火漫餘灰。翠色滋壇杏，虬根上石苔。斯文應未喪，重發待時來。

衍聖公弘秦遊魯泮宮二首

雨餘無事日情思正悠然曲徑連芳草高臺鎖暮煙
幽芹香馥馥皓月影懸懸魯泮閑遊處何須画輞川

林俊謁聖廟二首

古來風雲會乾坤僅此祠直於堯舜上自可帝王師
魯相席魯暖齊由蹟許奇筆誅餘亂賊未謂不逢時

莆田鄭光琬謁聖廟次林見素韻二首

魯殿崇新制奎光照近祠乾坤元氣會今古帝王師
洙水源依在尼山跡故奇遺風垂仰止衰鳳感當時

白水王謨謁聖廟二首

禮法尊仍肅遺容獨此堂風雲猶有氣天地自無疆
神化垂千古衣冠掩百王生平仰止意彷彿見羨墻

張袞五月五日陪衍聖公祭先師廟二首

鸞鳳趨踴地笙鏞迭奏時千春王者祀百世聖人師
黍稷昭分苾宮牆勅碧滋上公詩禮在縑帛映孫枝

許彬題詩禮堂二首

共說趨庭處全勝問道菴寸心知景慕萬里事幽探
豈但聞三禮還看學二南高山頓仰止隔座挹晴嵐

濠人張國紀謁林廟二首

誦法自齋年瞻依途此綠宮墻參日月林木護雲烟
魯衛轅無定周秦文有鐫重城誰鼎立卜築願分廛

李松謁聖廟二首

聖德同天地瞻依像儼然壇高有遺響樹古不知年
奎閣凌雲外尼山突眼前此行符昔夢回首憶群賢

南陽曾守訥謁聖林二首

昔拜仁皇陵今謁宣尼墓豈無山水觀良為根本故君師萬

世賴遊豫諸侯度作詩匪工空口聊以紀行路

太倉張寅謁闕里一首

九月謁文廟兼逢九日良衣冠來聖裔俎豆薦芹香
擬聽金絲壁重登詩禮堂古碑讀不徧苔蝕半蒼蒼

虛谷姚文炤謁聖林一首

路遂宣林靄築存子貢場聖靈通耿耿佳氣護蒼蒼
吾道乾坤在斯文龍鳳歲久懷雲物迥何幸一登堂

前人謁洙泗書院一首

道出乾坤外院留洙泗間麟蹤不可見鳳翼幾時還
禮樂嗟新定詩書憶舊刪百川紛坎赴正派在曾顏

鄆邑陳沂謁闕里一首

歎逝文猶在哀窮道自尊兩楹雖夢奠百代仰生存
圭壁榮鄆邑宮墻阻叔孫願予千載後亦造杏壇門

一憶昔尼山下栖栖數畝宮服從周典禮官作魯司
空道起春秋日功垂宇宙中子孫千萬祀不與帝王
同多

前人謁啟聖林一首

路去防山外林當泗水前五衢知墓墜四尺表封阡
植木風霜舊題碑世代遷降神周魯日河嶽尚依然

谷平李中謁聖廟一首

橋上飲洙水入間洗俗腸欽承
皇帝命喜到聖人鄉風送鈞天樂月明詩禮堂幾年瞻
望遠今日拜宮墻

仁和馬三才謁聖林一首

叢林通路曲古木帶雲平寂寂居廬處猶懸子貢名
防山尋脉遠泗水溯源清何事無巢鳥千春有鳳鳴

一野色敷春靜松陰覆道舒不緣尼父墓誰過魯公墟木雜周秦樹碑殘漢魏書有亭名駐蹕日日候龍輿

王璜謁聖林 二首

憑秋彈俗節展拜肅長趨雲日樞艾岫宮墻儼道樞鳳枝元謝棘麟象不侵蕪泗上千年意遙遙欲薦黃

莆田鄭芸謁聖林 二首

泰泗環神宅萬年道在茲秦皇空逐兔末帝再生芝楷檜連雲合荆榛當穴無蕭蕭風葉下瞻拜有餘思

順陽李蔭謁聖林 二首

暫稅風塵駕來茲謁孔林洙流尚清淺楷木正蕭森日月存吾道蘋蘩薦此心因之瞻泰嶽終古並欽岑一歷年已千祀高塚自攸寧道在天齊壽神棲地轉靈胎禽披栢翠石獸鎖苔青輦路今猶在宸遊定幾

經

新安羅文瑞謁聖廟 二首

久遊鄒魯邑屢讀孔門碑禮樂百王法文章萬世師庭懷趨鯉日道憶泣麟時四海崇儒教清風長在斯一以上共三二十六首

詩 七言古

元 趙孟頫題擊蛇笏 二首

以笏擊蛇有孔公義與段公擊賊同事之鉅細雖有異正氣憤激生於中偉哉孔公聖人裔豈聽妖邪亂民志卽今槐木一尺強氣象凜凜含風霜子孫守之慎寶藏絕勝象牙堆蒲床

皇明 程敏政尼山高一首贈孔公伯

皇明志

卷之十一

三

羅先

尼山高，高嶙峋，千年孕此大聖人。聖人一去，聖澤新雲仍玉樹，何振振公伯先生號賢者，韋布不沽京洛塵。生時分植祖庭檜，花英于今六十春。蒼然勢欲凌秋旻，朔方吹地才一日。先生咲坐開芳辰，戲綵兒孫竹遶身。携壺陸續來親賓，松高一紙馳獻壽。知有內翰聯佳婚，新詩在眼酒入唇。先生陶然岬鳥巾，家山喬木色不改，百歲願作無懷民。

李東陽贈張主事潛奉使闕里取衍聖公及三氏子

孫赴京觀幸學禮一首

漢家天子臨雍日，孔氏雲孫應時出。關西俊士東曹郎，奉使南來馬行疾。長安雪後開新霽，崑山川豁蒙密經。心道路遠透迤邐，翹首殿庭高萃律。百年盛典聞衰卹，萬古遺經重刪述。極知禮樂超唐末，冕十二旒庭八佾。侑平生仰止在宮墻，真見升堂還入室。杏壇絃誦想三千，童冠舞雩思六七。顏祠孟廟皆吾黨，近者

數弓遙一驛，會陪主組導，衿裾歸向虞廷拜，天秩

喬宇謁尼山一首

魯城東去多峰巒，巒巒川原繚繞蟠。尼山坤靈古洞懸，高刻危磴隱隱松蘿攀。宣聖宮墻久傾圯，雙龍石柱荆榛間。我來駿奔獲瞻拜，左右階阼羅衣冠。傳聞往代事，請禱實生春。質昭入衷吁嗟此，事亦茫昧聖作自與造化關。唐虞世遠周轍降，淳朴既散無全完。斯文在茲吾道幸，氣數否極終當還。泣麟悲鳳身已老，手取六籍親修刪。經書禮樂並覆載，委倫敘矣民生安。素王食報固當爾，雲孫奕世真象賢。祇今廟貌就剝落，徒發歐歎清涕漣。何當穹窿煥新製，萬古千秋崇聖賢。

李松謁聖林一首

齋心展拜先師墓，森森夏木垂清陰。鳳凰有時集嘉樹，凡鳥不敢巢深林。千年想像獲麟操，三嘆擊節倚

蘭吟梁木頹兮哲人萎廬塚乃見師生心我來吊古
增感慨聊賦短章留雲岑

濠人胡一化謁林二首

魯城之取夫子墓萬木鬱蒼衝古路防嶧諸巖盡拱
參五老嶙峋亦回顧月明華表鶴遲歸享堂晝靜雲
閑飛遂道掩映檜柏裏衣冠來往皆由此岱宗巖巖
發脈長洙流合泗同一水靈山名水兩纏綿元氣氤
氳幾許年天啟斯文紹道統地留故宅會良緣緬思
周季王澤竭亂賊炬光誰撲滅維時尼父應禱生日
麗中天還皎潔極知至人迥絕倫更聞至德必有鄰
從遊被化三千士速肖傳心七十人駢駢周道不傳
輟歸與歸與樂教育獲麟西狩已矣夫兩楹夢奠壞
梁木馬鬣其封形歸然子為昭兮孫右穆駐蹕名亭
紀幸遊廬舍有基再修築子孫振振復繩繩蓬顆累
纍爭相族以嗣以續雲仍來春雨秋霜祀禮肅仰瞻
遠澤藹芬馨今古佳城稱最獨嗚呼聖人去二千
載墓也迄今乃在茲不見聖人見其墓悠哉何已矣

墻思躡時德容昭陔降此心儼若生存時徘徊盛
動長唱何事榛除鳥別枝大道運行寄身後異端
艾鳳來儀道不朽今地自若魯陵幾見黍離離

詩 七言律

唐 劉滄過關里一首

行經關里自堪傷魯嘆東流逝水長蘿蔓幾凋荒
樹莓苔多浸古宮墻三千弟子標青史萬代宗師仰
素干蕭索風高洙泗上秋山明月夜蒼蒼

宋 邵堯夫謁先聖一首

執卷何人不讀書能知性者又何如工居天下語言
內妙出世間繩墨餘陶冶有無天事業權衡治亂帝
功夫大哉贊易修經意料得生民以後無

金党懷英謁聖林 二首

魯國遺蹤墮渺茫，獨餘林廟壓城荒。梅梁分曙樓霞影，松牖回春月駐光。老檜曾霑周雨露，斷碑猶是漢文章。不須更問傳家遠，泰岱參天汶泗長。

陳國瑞題尼山毓聖侯祠 二首

承詔尼山龍錫封，為言毓聖特褒崇。五峰鴈列岡巒秀，一洞龍蟠氣象雄。河潤因知流澤遠，頂圻猶見肖形同。生民未有如夫子，報典春秋代代隆。
巍巍雄鎮倚晴空，一抹烟嵐黛色濃。深谷半含金翡翠，層巒高插玉芙蓉。雲開虎洞清溪遶，雨卧龍碑碧藓封。三獻禮成閑竚立，手捫日月思從容。

元楊奐謁聖廟 二首

會見春風入杏壇，奎文閣上獨凭欄。淵源自古尊洙泗，祖述何人似孟韓。竹簡不隨秦火冷，楷林空倚魯城寒。飄流踪跡千年後，無復東西老一簞。

城寒飄流踪跡千年後，無復東西老一簞。

盧龍韓文獻次韻 二首

萋萋野草半零壇，回首尼山一倚欄。空想文風復東魯，豈知俗學尚申韓。虛堂晝寐禽聲雜，高閣香深檜影寒。樂道獨憐紫陽子，忘情軒冕羨壺簞。

上谷劉翊次韻 二首

乘間策杖上郊壇，絕勝登樓靜倚欄。千古遺踪思孔孟，百年雅集數申韓。泉通鰲背波紋冷，月照龍門夜色寒。此去關西有東魯，柳塘沙路走壺簞。

蓬山劉惠淵謁聖廟 二首

七十皇皇席靡安，周流列國始旋轅。發明天理見經旨，整頓人倫窒亂源。比德唐虞賢更遠，齊仁覆載道

彌尊君王師範渾無報世世榮封裕後昆

皇明

太祖高皇帝面命曲阜縣世職知縣孔克伸題蔣山首

壓畫群山素有名魏魏雄峙獨崢嶸數峰碧玉朝天
關一帶螺屏映帝京雲竇雨晴龍虎現月巖風暖鳳
凰鳴應知

聖主無疆福日聽崑崙萬歲聲

崇德貝瓊送衍聖公希學還闕里一首

星劍光芒萬丈騰賜書連舸出金陵鴈違青塚天將
雪馬渡黃河夜已冰博士經存終漢出上公爵重自
唐升喜聞手植庭中檜翠接東蒙第幾層

三吳錢溥謁闕里一首

宦遊中外四旬多老去今從闕里過二氏共存周典
禮諸生不廢會絃歌道行直與乾坤久自絕其如日
月何一瓣心香知報處六經遺訓耿難磨

江陰吳啟謁聖廟一首

德配乾坤冠百王儼然遺像藹春陽杏壇已廢琴聲
久檜櫺猶含手澤香道在六經垂萬世教明五口即正
三綱平生久仰酬深願彷彿當年立孔墻

張麟謁聖廟一首

道德巍巍聖乃神乾坤無不藉陶甄三千禮樂扶名
教一百春秋止亂臣落月每懸庭檜晚光風長挹杏
壇春得瞻聖像何多幸敢把微名與勒珉

謁聖廟一首 亡名氏

周室東遷，嘆黍離，篤生玄聖，在當時。六經載籍，斯文主萬代。攸宗王者，師慶衍魯邦。綿子姓，轍環天下仰。容儀竭來瞻，拜門墻。下得遂，平生願學私。

太原陳壁謁林廟 一首

仰懷闕里廿年餘，茲喜觀遊遂。所圖廟貌凌空，大地老寢陵。鍾秀古今無，泰山北望饒千仞。滄海東看衍一隅，何似聖門垂澤遠。子孫孫子道相符。

汪舜民謁聖林 二首

杏壇北去無多路，泰嶽南來第幾岑。大地一朝收簡氣，晴嵐千古鎖幽林。六年築室人何在，三世題碑迹可尋。獨幸遺經能載道，至今不朽淑斯人。

黃仲芳謁聖林 二首

路入洙橋一徑幽，素王古冢幾千秋。山連岱嶽神光迥，樹入青齊紫氣浮。華表鶴鳴來故宋，穹碑鳥篆本東周。鯁生何幸躬瞻仰，薦罷蘋蘩愧自修。

徐源謁闕里 一首

廟庭曾拜學宮傍，今日真登闕里堂。六十年代孫隆聖澤三千年，柏從穹蒼題名石，刻多文字駐蹕亭。來幾帝王渺渺乾坤誰共久，尼山顏色秀東方。

四明金湜謁聖廟 二首

復甃重崗走百靈，堂堂東魯建宮庭。千年道德垂天地，萬古文華炳日星。泗水遠連洙水碧，尼山常對泰山青。入門端拜秋陽裏，正脉追尋在六經。

關中劉大夏初至河上謁闕里 一首

數仞宮牆聳大觀古今人物及門難自憐老去頻翹
首却喜東來一倚欄棟宇巍峩高秦嶽江湖迢遞至
長安使臣不解平河術敬把遺經仔細看

范雲謁聖林一首

鬱葱佳氣晝沉沉廿里如雲屬孔林路接龍門連草
色塚封馬鬣護松陰樹無垂棘連蒼漢鳥不營巢足
好昔千古神明鍾秀地此生何幸一登臨

沈鍾謁聖廟一首

巍巍聖道日中天闕里空窿廟貌妍萬古斯文開宇
宙千章香木蔽風煙追尋洙泗源流遠瞻仰門墻拜
晚便幸與此生償此願此行端不是徒然

五十八代孫公恂陪

駕幸大學釋奠賜宴一首

聖主崇儒幸辟雍鑿興曉出大明宮千官侍從橋門下
三氏趨陪殿陛中宴賜黃封人盡醉衣頒文綺寵偏
隆吾家世世承殊渥祖澤
君恩詎有窮

李傑謁聖林一首

玄宮開向魯城陰秋色蕭然萬木森雲氣尚疑悲曳
杖風聲猶似哭治在周秦古刻碑文斷洙泗清流世
澤深輦道有亭名駐蹕翠華何日更來臨

李東陽曲阜紀事一首

天下衣冠仰聖門舊邦風俗本來敦一方烟火無廢
觀三氏絃歌有子孫城郭已荒遺址在書文半滅古
碑存憑誰更續東遊記歸向中朝次第論

喬宗謁聖廟 一首

碧松蒼檜素王庭閣上奎文見六經
二月齋居嚴陟降九重禋祀薦明馨
芹風影散清波滿杏雨涼生渴夢醒
多少童童縫歸禮樂夜來芒色麗繁星

李兆先謁聖廟 一首

日色荒涼秋氣陰斷碑遺火費追尋
空亭漫駐前朝蹕敗壁希聞太古音
道德祗應天作配衣冠時有士如林
宮墻不逐飛烟滅依舊瞻依萬仞心

喬宇謁關里 一首

南沂西泗繞晴霞北岱東蒙擁翠華
萬里冠裳王者會千年鄒魯聖人家
高林蔽日無巢鳥古碣埋雲半土花
瞻望宮墻空倚樓敢從滄海問津涯

孟桂遊尼山 一首

尼山西望魯靈光毓聖山川迥不常
虎洞窈深蟠地軸鵲橋平遠接天梁
喜聞一邑絃歌響敢躡三千弟子行
更有後來刪述事仰高微意在穹蒼

程敏政望關里 一首

尼山東下鬱蒼蒼去路都無百里長
何日禮文陳俎豆一宵清夢繞宮墻
孔林豈用堪輿說周典應多掌故藏
心口自慙還自語進修何日敢升堂

邑人魏紳陪祀 一首

大舉明禋祀上丁春雲閣雨曉寒輕
盛時禮樂今全備闕里衣冠盡老成
主獻精誠金石貫在天靈爽日星
明鄉人便道叨陪祀疎淺何堪一幸榮

河汾王珙和前韻 一首

庭燎熒煌祀仲丁金爐香爨瑞烟輕禮陳俎豆終三
獻樂奏蕭韶至九成主鬯宗祧歸衍聖褒崇吾道謝
皇明相維喜有天朝客孔廟增輝士類榮

恭和羅璟夜入魯城 一首

歸德門前倦馬鳴衣冠燈火遠相迎千年禮樂今猶
古萬古人心晦復明月色輝輝天所鑒風光淡淡聖
之清宮墻下馬從容步不盡平生仰止情

五十八代孫衢州公易拜祖廟 一首

孔氏宗支一脉傳派分兩地豈徒然君臣大義扶持
重祖禰先塋護守堅魯北已承宗子爵江南難舍舊
家疆百年有幸躬瞻掃忠孝于今喜得全

廣平張敏尼山 一首

不到尼山又八年重來風景尚依然智源水遠東還
魯顏母山高上接天木落空林明晚照鴈衝寒雨下
秋田偶因聖誕來瞻仰紅葉黃花處處鮮

五十八代孫公璜陪李相公拜祖廟 一首

古木參天黛色新祖庭深處迥無塵千年道德猶宗
聖百世絃歌尚有人花戰東風承化雨樹留西日醉
陽春遙遙旌節躬瞻拜幸接清朝老縉紳

又祖庭述事 一首

一王端拱自唐封天為斯文佑聖宗六十世長人行
聖二千年古樹蟠龍祠壇籩豆新人物像設衣冠舊
禮容遺跡尚留壇杏在春深紅雨落花濃

又祭尼山 二首

毓聖名山衆所宗，錫封作鎮獨稱雄。林深文德來鳴鳳，洞古坤靈起卧龍。種玉春耕紅雨地，採芝秋倚白雲峰。幾回廟祀躬瞻拜，庭燎輝煌接紫宮。

又祖林懷古 一首

寒食重臨駐蹕亭，儼然企仰聖遺形。水通洙泗源頭遠，山擁尼防秀氣青。馬鬣風雲開輦路，螭頭苔蘚護碑銘。文楷古木成孫子，挺立層霄億萬齡。

河間李時逸衍聖公還關里 一首

聖主臨雍出紫宸，上公承召促朱輪。衣冠兩度逢殊典，禮樂千年重大倫。聽講坐依龍衮近，拜恩歸賜錦袍新。歌成振鷺情何限，東望尼山萬古春。

麻城曾大有謁關里 一首

關里瞻依願已償，秋陽皜皜見重光。麟跽尚憶經秦火，鹿走猶聞祀漢王。萬古雲仍綿世胄，四方文軌接封疆。尼山仰止馨明德，可是周原黍稷香。

廬陵陳鳳梧謁關里 二首

孔庭佳氣曉氤氳，絲竹清音細細聞。木鐸當年施四教，經筵此日秘三墳。杏花香散壇前雨，檜櫂光凌殿外雲。陟降從容瞻仰地，一尊玄酒薦新芹。一謁廟佳城十里擁崇樓，泚水環橋日夜浮。翁仲苔深蝕風雨，碑銘篆古結龍虬。休徵尚記靈芝草，異事猶傳白兔溝。楷木有文應獨產，清氣此中收。一謁林崖我傑閣，入宮牆上有雲梯。百尺長丹碧，九霄明月牙。籟萬軸映奎光，滄溟俯視東洋外。岱岳平臨北斗傍，何幸登高豁心目。願從聖道竊餘芳，一登奎文閣。

山陰諸大綬謁廟

半生常念此心同，何幸親瞻數仞宮。身以周流回叔季，道從祖述契洪濛。綱常日月明天上，仁義江河沛地中。仰止慙慙陳澗藻，鄙夫欲叩愧空空。

石首張壁望闕里

持衡南下，帝上州返棹，還過太白樓。正憶孔林頻在望，便從東國遠相求。宮牆合躡重霄上，洙泗須尋活水頭。最是平生瞻嚮地，不辭風雨載登遊。

林俊曲阜紀事次李文正公韻

瞻望魯應過里門，一方民俗此還敦。敦家承已愜聞詩，嗣道寄猶憐述聖。孫牲日，諸生絃誦在當時。親廟典刑存，未緣接席樞趨下。東魯遺風得盡論。

莆田鄭大同謁廟

半生浪迹苦無成，不負初心是此行。得入宮牆瞻廟貌，兼於洙泗濯塵纓。壇空想見杏花色，壁古猶聞絲竹聲。讀遍殘碑雲雨霽，尼山東望眼分明。

林庭樞謁聖林

曉漏疎星候啟關，朔雲晴日獨登壇。素王祠下頻稽首，洙水橋邊更倚欄。龍輦路深苔蘚合，鶴巢松老露華寒。青山玉匣知多少，陵谷桑田竟渺漫。

青陽施篤臣謁廟

平生寄迹華山下，何意乘槎泗水頭。天爲古壇留雨露，人從老檜見春秋。西周不返東家在，喬木依然故國休。無數殘碑讀不盡，更將宣父問虛舟。

陽里詩 卷之十一 三九志

陳遷謁聖林 一首

遙瞻華表墓南邊，松柏蕭森不計年。泗水源從深水落，尼山脈與防山連。穹碑篆古昭先聖，享殿香浮拜後賢。宋帝當年曾駐蹕，至今輦路有龍烟。

張繼孟謁聖林 一首

四十八年霑聖澤，佳城登拜慰平生。文章今古開長夜，禮樂華夷仰大明。墓上松楸含翠色，天中日月並鴻名。不才久竊東藩祿，願祝陰扶主德成。

成周謁聖廟 一首

十年宦轍聖鄉來，泗水尼山面面開。自古綱常歸此地，到今典籍未成灰。遺踪隱隱看流峙，生氣洋洋欲化裁。登拜令人消鄙倍，當時綏動莫疑猜。

張寅登尼山 一首

群山環峙插層天，五老峰高瑞氣連。碧草廟門嗟斷碣，青山梁木萎何年。雲移河漢川流在，洞隱坤靈石榻懸。天使隙間光不滅，肯教長夜道無傳。

湯紹恩謁聖林 一首

馬渡沂河入聖林，徘徊道岸慰遐心。泗洙易脈分天地，尼岱蟠龍鎮古今。經籍不隨元氣變，鳳麟誰種後程深。吾人欲識真消息，須向無言廬處尋。

柳陽范格謁聖廟 一首

曲阜停驂豈浪遊，直尋泗水到源頭。細看墨跡存秦漢，翹望文光射斗牛。逝者固知無晝夜，巍然猶喜有春秋。杏壇手種虬龍狀，種植何年傳自周。

陽里志 卷之十一 郭六

朱組謁闕里 一首

宦逐東行闕里遊，猶聞教鐸滿皇州。萬年禮樂資其酌，百代君王啟範模。聖德光輝存廟貌，賢宮煒燁鎮山丘。升階展拜巖廊下，宿昔忠誠願始酬。

鄧直卿謁聖林 一首

千章喬木氣蕭森，冬曉停車謁聖林。文運遠同元運遠，洙源深與泗源深。亭虛曾駐真宗躡，廬圯猶存子貢心。精蘊不磨霄漢麗，炳然星日至今存。

宜陽王邦瑞謁闕里 一首

萬古斯文元在魯，宮墻外望與天巍。並觀堯舜賢於遠，晚作春秋意更微。日月自能垂廟貌，溫良猶得覩光輝。平生大幸趨踰地，日暮瞻依不忍歸。

閩人鄭威謁林廟 一首

雲外驅車過魯東，瓌墻數仞啟深宮。仰瞻幸展瓣香敬，大造殊懷萬世功。漫道潛心顏氏獨，須知願學孟軻同。春回古檜花開杏，道脉元和天地通。破曉巾車拜聖林，露華雲氣濕衣襟。尼山正脉頻回首，洙水真源足洗心。地勝輒看虛輦路，苔荒痕自上碑陰。幾多青塚麒麟卧，誰與乾坤並到今。

姚文炤謁聖廟 一首

浪跡十年心事違，宮墻此日慰瞻依。繞壇紅杏垂垂發，依樹白雲冉冉飛。歷代典章存石刻，重樓經史動星輝。樞衣階下賢孫共，却似趨階庭對時。

周昌齡謁聖廟 一首

幸入當年數仞墻，登堂彷彿見輝光。六經刪述垂千古，一貫精微憲百王。鍾秀尼山元萃律，流芳泗水共

汪洋德侔天 地難摹寫聊記今年過聖鄉

戴金謁聖林 一首

四十年來窺孔範 萃和林墓適初臨 一杯生氣藏春處 萬古綱常不夜心 未問人間陵變谷 卽看檜柏土爲金 斯文命脉真依庇 合抱森森手檜陰

閩人林茂桂謁聖林 一首

葱鬱鬱 崇阡秀色青窮 碑輦路接危亭 千章喬木封三塚 萬古斯文燦六經 築室年深苔自碧 浴沂人遠水空泠 松陰寂寂無鳴鳥 野渡滄浪或可聽

吳下周天球謁聖廟 一首

闕宮弘赫燦 龍章配極 千秋秩典常 雨露松杉含古色 山川雲物迥清光 希音竊想金絲奏 肅事長餘黍

稷香信有明王崇 道德幾朝端 冕此升堂

趙郡張居仁謁聖林 一首

奎壁星躔夫子林 千年文墓肅陰森 松楸畫敞烟霞迥 洙泗昭回雲漢深 歌鳳寧知師世意 泣麟猶見濟時心 聖陵霸塚看如此 獨有尼山冠古今

豫章胡汝煥典試山東恭謁闕里 一首

岱宗南望卽尼山 引領宮牆未易攀 文物直窮天盡處 聖人只在殿中間 玉麟一去終何有 龍馬千秋且未還 但得羊捫遺檜在天年 曾歷幾塵寰

巴陵蔡復賞過高唐遙瞻闕里 一首

十年寤寐在尼丘 孔聖全書欲備收 纂述煩勤師鄭馬 蒐羅未重虎韓歐 東山此日空遙望 泗水何年遂

勝遊惆悵幾迴還四顧曾臺今又築黃州

平陰劉敬業登奎文閣一首

廟庭松檜幾經秋奎閣凌霄瑞氣浮檻外龜蒙元並峙簷前沐浴自交流千年道統高雲漢六籍文光過斗牛聖里歸依心目闊非同王粲漫登樓

詩 七言絕

宋西子五代孫道輔題金絲堂一首

秦火自焚寧害聖金絲堂壁闕家書典墳啟發皆天意非謂其王好治居

二家堂廢春花老五父衢荒秋草深惟有尼山蒼翠在出雲飛雨助登臨

楊文郁謁聖林一首

悠悠往古繼來今天地無窮照孔林兩到金絲堂下拜門生無負百年心

高詡謁關里一首

帝正下幾興二銷盡繁華作戰場惟有東家詩禮在平孫萬古讀書堂
六經不幸火於秦日月會何碍片雲用舍從來關亂皇天本不喪斯文

陳國瑞謁聖林一首

當時獨說三桓盛列國惟知五霸強爭識素王尊道義孔林墳木至今芳

林伯顯次前韻一首

生民未有始夫子好學皇皇寂自強功業當年雖坎壈聲名後世愈芬芳

謁聖林一首

靈光殿古生秋草曲阜城荒喚晚鴉惟有孔林殘照裏至今猶屬仲尼家

元陳祐登奎文閣一首

聖道如天不可階聖門良為後人開他時點檢平生樂首憶奎文閣上來

皇明

太祖高皇帝遣祭酒孔克堅代祀闕里回京

御製詩以賜之

孔氏曾孫祭祖回但言農務野荒開我知蓋世民容喜必解春風每歲來

山陰張麟謁聖林一首

當途雙表立崔嵬濕莽凝烟翠作堆試問林間翁仲輩幾看輦路入林來

彭勗謁廟一首

秦火遺經羨獨存斯文萬古配乾坤沂流泗水今猶在聖道淵源孰與倫

夏寅謁聖林一首

增寢千年樹百尋烟雲無際鳥飛沉雖然弟子當時植不是恩深不到今

新安方遠宜寒食日謁聖林一首

參天樹見心喪日翳草亭知駐蹕年千載丞嘗又寒食願分秋火讀遺編

建安雷鯉謁廟一首

茫茫大宇秋下墮耿耿初心月一彎拜罷祠前賦歸去海濱鄒魯武夷山

皖人胡瓚謁聖林詠古楷一首

四方可植竟虛無剥落經秋楷一株此去墓廬渾不遠端因攀繞淚為枯

六十三代孫貞棟詠曾壁一首

蝌蚪出從古壁中至今大地書文同秦人遺下六經火三月成陽焰尚紅漢魯王餘好王木斷雲掘霧平山谷金絲萬古有高堂寂寂靈光秋草宿

攜李徐應徵謁林廟一首

千年文木似雲屯百代龍章表道尊帝寢王陵桑海變孔林餘邈並乾坤二都城郭靈光殿幾度豪華付水流惟有素王庭闕在萬年禮樂仲春秋

雜體

晉阮籍孔子誄

梁沈約辯聖論

遺情

不

河

來

迹

犬

當

唐李翱仲尼不歷聘解

養徒三千升堂七十潛神演思因史作書考混元於無形本造化於太初

聖人蓋人中之含明德盡照精粹疑或三聖並時或于載寂蔑聖人

遺情已常以兼濟為念若不登九五之位則其道不行非以黃屋王爾為尊貴也文王造周而未集武

王集之而未成周公雖無王錄而父兄二聖之列不

可以終若夫表以聖功制禮作樂則太平之基不著

不聖之美不彰孔子當無錄之運值自晦之時而云

河不出圖浴不出書吾已矣夫欲以聖道示天下垂

來世當仲尼在世之時世人不言為聖人也伐樹創

迹于七十君而不一值或以為東家丘或以為喪家

犬若不哀歎鳳鳥稱慶周公樂正雅頌各得其所則

當世安知其聖人乎

學者多稱仲尼歷聘不遇吾謂仲尼觀禮行道不歷聘不

遇也夫一國交驩曰聘以臣使於君亦曰聘男輸財於女國駕帛於士皆曰聘故無財與無君國之命不日聘也當德饑衰周道徂七國蓋仲尼傷禮樂不起是以學韶於齊求師於周將欲鑄義以鏡國張仁以羅俗使明詩為宗資也且去魯適衛蓋辭在於士矣自宋之鄭殆非臣矣絕糧於陳蔡亦無財矣官至司寇果不為士安謂聘哉吾聞夫子觀夏道則之杞觀殷道則之宋較是而言雖他國可知也安謂歷聘哉

宋歐陽修代曾參答同列書
參白諸足下聞吾黨之
 以有子之貌似夫子欲假設其位以夫子師之諸足下必其然乎否邪吾試為諸足下陳夫子之道以為斷諸足下知天之有四時乎春能生物而不能長也夏能長之而不能成也秋能有成而不能斂也斂之者其在冬矣自生民以來有大聖德居大聖位而作法以濟世者類不過八九三皇經始之五帝續明之禹湯文武該洽之周公祖述之經始之者春也續明之該洽之者夏也祖述之者秋也天恐斯文之中未

有以折衷乃生吾夫子於衰亂之世前聖之所未立者俾夫子立之前聖之所未作者俾夫子作之上規聖明下救淪壞垂之百王而不變稽之千古而不疑雖百周公百堯舜復出於世亦無以過夫子也是夫子於列聖有成歲之功也是列聖不能斂而夫子斂之也吾以謂夫子之道江漢以濯之秋陽以暴之皜乎不可尚已吾與諸足下奚所識知幸而生於時得以登其門望其堂而傳其道以光榮其身吾與諸足下猶眾無名之星也夫子猶日月之明也以無名之星代日月之明雖積萬數吾不見其可况一焉而已乎諸足下奈何乃不察於是也天則有二冬而諸足下有二冬乎苟有子升夫子之席而吾與諸足下趨進於左右斂衣而立負牆而請當是時有子能勿愧乎吾有以知彼之必愧也吾儕有所問而不能答有所辯而不能斷譁然而往默然而來鏗然而叩寂然而應當是時有子能勿慚乎吾又知彼之必慚也昔者吾友子淵寔有聖人之德不幸短命前夫子而死使子淵尚在而設之於夫子之席吾有恐天下之

不吾信也足下以有子之道義孰與子淵德明而仁
 備孰與子淵夫子稱而嘆之孰與子淵群弟子服其
 為入孰與子淵達夫子之道而鄰夫子之性孰與子
 淵是數者皆無一可而獨以其容貌之似而欲升師
 之席竊師之位不亦難乎夫容貌之似者非獨有子
 也陽虎亦似矣如欲其大似則當以陽虎為先奚先
 於有子哉諸足下果欲何刑復欲睹夫子之容乎復
 欲聞夫子之道乎如止欲睹夫子之容則圖之可也
 木之可也何必取弟子之似者以僭其稱而悖其位
 如必欲聞夫子之道不可苟而已矣且吾聞之師
 其道不必師其人不必師其形如欲師其道
 則有夫子之六經在詩可以見夫子之心書可以知
 夫子之斷禮可以明夫子之法樂可以達夫子之德
 易可以察夫子之性春秋可以存夫子之志是之弗
 務而假設以為尚此吾所以悼痛而不敢知也且昔
 夫子果何師哉師堯舜者也師文王者也師周公者
 也惟曰師其道而已未聞其假設而師之則似堯舜
 者似文王者似周公者終身而不得見矣苟不見其

人則亦弗師其道乎夫麟之於獸也鳳之於鳥也出
 乎其類而處乎長者也不幸而麟以死鳳以亡則亦
 假設而為之乎諸足下盍姑止不然吾恐萬世之後
 完口者寡矣死而無知則已如有知則子淵子路輩
 將瞑目流涕而有責於諸足下也諸足下其思之不
 宣參白

王廉孔子墮三都論 當定公時三家專政父矣昭公

侯三家之不可去也孔子豈不知之知其不可去顧
 為大司寇與之並立于朝可謂知乎吾知孔子之出
 仕也不惟見用於定公尤見信於三家而三家聽孔
 子之行事也不然然三家恐孔子之攻已必沮孔子之
 進矣何以知三家之聽孔子之行事也吾見孔子行
 事而三家不疑又使其徒季路為之幸而三家無間
 孔子攝行相事而三家又無沮意由此而信之也既
 曰三家聽孔子之行事則三都為孔子之謀而自墮
 也詎不信乎朱子以為三家自墮之必不然矣蓋三
 家憤陪臣之據其私也其欲墮之也固三家之本心

又喜孔子以公義使也而墮之也苟為不然孔子素知三家之擅政不可以一旦奪惡能以司寇之權遽奪其三家而二家從之耶是固勢不可行也吾知孔子之為是舉其必有所恃矣夫孔子以公義而使三家墮之者非為三家謀為魯謀也魯墮三都則三家弱而公室強矣又何以知其非三家自墮之也成叛十一月公圍成公至自圍成信以為三都自墮之則三家自墮之矣公何自圍之乎而春秋又直以公圍公至自圍書之乎吾於是益信墮三都之事為孔子之謀也非三家自墮之也明矣朱子以為三家挾公而圍之夫三家之勢至於挾公則魯微矣有甚于受女樂而怠于政事者受女樂怠于政事他日孔子猶託以微罪行而於其挾公之日乃不去之何哉吾於是又益信非三家之挾公也明矣夫三都墮三都豈不知孔子之弱已其意若曰與其使陪臣之強為已弱孰若使公室之強以自贖哉論至於此而後知三都之從孔子之化矣而後知三家之聽孔子之行事為無疑也公羊謂孔子行乎季孫三月不違是也惜

乎其蔽已深如備禮樂者不能盡革之矧孔子以司寇之任視相為輕也孔子之仕魯而化魯之君臣十得其一二焉宜乎孔子之不父於魯也抑墮邱書叔孫州仇墮費書季孫斯仲孫何忌而不書公者三都亦以公義師師謀出於公室猶公之師也十年再圍邱亦然孟孫不能墮成及成叛公乃自圍之耳圍之不克不可謂孔子為失計也傳曰戰不止勝是已

石介上孔中丞書

夫子之道不行於當年傳於其家也夫子沒後世有子思焉安國焉穎達焉止於發揚其言而已自漢相光唐相緯雖得位亦不能盡行其道漫於天下天下人皆可以得之漢高祖唐太宗能得之於上以之有天下二百年孟軻楊雄文中子韓愈能得之於下以之有其名於億萬世唯孔氏子孫無有得之者俟四十餘世僅二千年閣下乃得之今夫子之道不專在於閣下也閣下又且赫然有聲烈於

天下復得位於朝見用於天下閣下徒能得夫子之道其將以夫子之道事於聖君施於天下俾國家為二帝為三王為兩漢為鉅唐矣夫子之志曰吾志在春秋春秋天子之事也世衰道微邪說暴行有作臣弑其君者有之子弑其父者有之夫子懼之而又時無君已無位不能誅不能正乃作春秋焉所以正王綱舉王法故春秋成亂臣賊子懼為司寇則七日而誅以正卯於兩觀之下攝相事則齊終不敢規兵河南當時之君則昏也當時之位則攝也尚不及閣下得明君有大位為中丞逾月而未聞有舉焉閣下在朝朝廷尚有奸臣敢在位天下盡賊未悉除是夫子道猶未克盡舉豈夫子直四十餘世僅二千年以俟閣下閣下宜念之且天子之設御史府尊其位崇其任不與他府並舊有大夫則中丞亞大夫而領其屬今大夫闕則中丞其長也故中丞之任特重焉中丞之責尤重焉君有佚豫失德恃亂無道荒政嗾諫廢忠慢賢御史府得以諫責之相有依違順旨蔽上罔下貪寵忘諫專福作威御史府得以糾繩之將有驕

悍不順恃武驍善玩兵棄戰暴刑毒民御史府得以舉劾之君至尊也相與將至貴也且得諫責糾劾之餘可知也御史府之尊嚴也如軒陛之下廟堂之上進退百官行政教出號令明制度紀賞罰有不如法者御史得言之御史府視中書樞密雖若卑中書樞密亦不敢與御史府抗威爭禮而反畏悚而尊事之御史府之重其無與比然須得如閣下者居之始貴矣易曰苟非其人道不虛行禮曰人存則政舉閣下聖人之後又能得聖人之道以方重剛正公忠清直烈烈在於朝為天子獻可替否贊謀猷猷持綱紀天下想望其風采者十五年間簡於清衷期將大用且歷試於外更觀其能違更三大藩皆卓然有治聲聞於天府浹於日下御史府中丞虛位且班於紫宸殿下佩金煌煌行聲鏘鏘且有百數天子弗錄之乃南定三百里以驛召閣下直入其府登其位自陛下獨決萬機來登崇俊良黜逐纖人革故鼎新百度修舉太平之望日月以隆然而天人之心猶鬱然不大舒釋者以閣下尚稽大任也至是天人之心始大舒釋矣

閣下自初及終皆以直道進詩曰靡不有初鮮克有終介嘗聞朝大夫語曰有某人為某官時忠鯁直讜審審敢言觸龍逆鱗不避誅死由是人主知之聲名藹然聳動朝野不四五年取顯仕今為某官位彌高身彌貴祿厚位渥私庭曳青綬者五六人門前炎炎可炙手顧此勢力榮寵有所惜也如有物塞其耳如有葉蔽其目如有鉗緘其口朝廷有關政國家有遺事若不聞若不睹而不復言則向之忠鯁讜直審審敢言乃沽名耳其以為為速進之媒乎意士之積道德富仁義於厥身蓋假於權位以布諸行事利於天下也豈有屑屑然謀夫衣食者歟正色直已立於朝廷行其道乃使天下有此論庸無傷乎古今君子少小人多君子常不勝小人小人不惟常勝君子而又不能容之惡直醜正噤噤實繁幸而有一君子在於朝則百小人排之非鐵心石腸剛正不折未有不隨而靡者小人不容君子也如是而不能死節以未終譽中途晚節須有渝變宜其為小人之所排也今有人位未顯身在下能堅正不顧其身敢直言極諫犯天

子顏色封章抗疏論天下利害群小人必叢立指點曰此人速進也沽虛名也非以行道也吁吾徒不見容於小人也取信於天下也固若是乎學周公孔子之道不用則卷而懷之用則肯已乎實將施及國家布於天下以左右吾君綏吾民耳群小人排毀不已無足惟也閣下亦當大警戒之勿使天下有所論則君子幸甚天下幸甚

蘇洵孔子論

蘇子曰此孔子之所以聖矣蓋田氏六則魯無可治之理孔子之用於世其政無急於此者矣彼晏嬰者亦知之曰田氏之僭惟禮可以已之在禮家施不及國大夫不收公利齊景公曰善哉吾今而後知禮之可以為國也嬰能知之而莫能為之嬰非不賢也其浩然之氣以直養而無害塞乎天地之間者不及孔子以羈旅之臣得政暮月而能舉治世之禮以律亡國之臣墮名都出蔽甲而三桓不疑其害已此必有不言而信不怒而威者矣孔子

之聖見於行事至此為無疑也嬰之用於齊也又於孔子景公之信其臣也愈於定公而田氏之禍不少衰吾是以知孔子之難也孔子以哀公十六年卒十四年陳恒弑其君孔子沐浴而朝告于哀公請討之吾是以知孔子之欲治列國之君臣使如春秋之法者至子老且死而不怠也或曰孔子知哀公與二子之必不從而以禮告也歟曰否孔子實欲夜齊孔子既告公公曰魯為齊弱火矣子之伐之將若之何對曰陳恒弑其君民之不予者半以魯之眾加齊之半可克也此豈禮告而已哉哀公患二桓之偏常欲以越伐魯而去之夫以蠻夷伐國民不予也畢如出公之事斷可見矣豈若從孔子而伐齊乎若從孔子而伐齊則凡所以勝齊之道孔子任之有餘矣既克田氏則魯之公室自張三桓不治而自服也此孔子之志也

孔道輔五賢堂記

五星所以緯天五嶽所以鎮地五賢所以輔聖萬象雖列非五星之

運不能成歲功眾山雖廣非五嶽之大不能成厚德諸子雖博非五賢之文不能成正道繇是二才之理具萬物之情得故聖人與天地並高卑設位道在其中矣所以尊君德安國紀治天物立人極皆斯道也然天地有否閉日月有薄蝕聖人之道有屯塞若天地否則聖人建大中之道以開泰之聖人之道壅則五賢迭起而輔導之先聖生當戰伐世法令穢祥巫祝之弊亨楊墨之迂誕莊列之談詭窮聖沮常二騶孫田術勝於時則我聖人大道為異端破之不容於世也而孟荀繼作乃述唐虞之業序仁義道德之源俾諸子變性不軌之勢息聖人之教復振其功甚大矣後至漢室圯缺楊子惡諸子知舛訛訾聖人獨能懷一聖二王之迹譏時著書以尊大聖使古道昭昭不泯者楊之力也西漢之後皇綱弛紊六代喪亂文章散靡妖狂之風蕩然無算文中子澄其源兆興王之運韓文公治其未廣尊道之旨致聖化益光顯夷夏歸正道雖諸子誹謗或欲攘其法裁其教素其途蕪其說弗可得已然賢者違世矯俗能去難者蓋寡

矣。孟不免齊梁之困，臧倉之毀，荀不免齊人之讒，楚國之廢，揚不免劉歆之侮，投閣之患，王不免隋氏之抑，群公之沮，韓不免潮陽之竄，皇甫之譖，其間或譏其作經，或短其修史，彼徒能毀之，弗顧已之弗遠也。達者以爵位為虛器，太過者人猶嫉之，况抱道德富仁義，立終古之名，寧無惡乎？天地雖否，無傷於體，日月雖蝕，無傷於明，聖賢雖困，無損於道，得其時則堯舜禹湯之為君，皐陶伊呂之為臣，功濟於當世也，非其時則孔聖之無位，五賢之不遇，道行於後世矣，亦猶歲旱則澤之益甘，夕暗則燭之益明，世亂則賢者益固，歷代以斯為難也。孔聖之道，否則五賢振起之，今五賢湮蔽，振之者無聞焉。道輔學不及前，哲而以中正容於帝皇，幸不見黜，而與進薰以賢者必輔於時，躋於古以茲為盛矣。方事親守故國為儒者，榮嘗謂伏生之徒以訓傳功象設於祖，東西序而五賢立言排邪說，翊大道，非諸子能及，反不及配，缺孰甚焉。因建堂收五賢所著事圖，其儀敘先儒之時，薦庶幾識者登斯堂，觀是像，覽是書，肅然革容，知聖賢之

道盡在是矣

羅泌路史孔子生日論

何惑乎儒學之衰乎？皆儒者聖人之禮法行乎天地之間，萬物賴之而相生養者也。一日或息，則日月為之薄蝕，陰陽為之錯繆，山川企走咸失其所，豈止臣賊其君子，賊其父而已哉？顧佛何為而且與之分曹，而抗衡邪？今夫我進賢曳珥玉，享大年，而且與之豐屋者，其貴大亦極矣。孰非先聖人之賜哉？奈何乘高箱道廟闕，則枵然不之顧，視籩豆什溝墜，則熱然不之省，而崇夷教，奉緇侶，則至於糜捐，踴躍日虔禱，月施給，猶以未愜，是何邪？惟其學識不至，衷無所見，而將以圖荒唐之妄福也。夫釋氏果能以福人邪？則王公大人今日貴大，不由夷教而顧以進其身，潤其家者，一本先聖人而取之，亦不知義命矣。異時有假守古上饒，款孔廟者，目老桑門舞，肘而過，執而紡之，曰：吾由佛刹未始不肅爾。過孔廟，何得無狀，則對曰：儒自敬我教，而不自知其所以敬我

鄭文

有佛書未始漫泄方其暇時珍藏十襲飯之敬之及其出也又非盛服焚禮則弗敢以誦而今橫舍經籍取其具汚毀狼籍靡所不至齋閣為聚訟之宮庭廡乃博塞之闕何由興起守聞而怛之從而謝焉以今都邑橫舍實為無統所謂養壬一皆無賴莫適者竊食其間而所籍生徒則皆先進之從方多占寄以為他日懼憲免責評成才烏乎出哉嘗試讀喪釋氏有所謂四月八日固非其實而走天下之人沈道虔輩累世奉事至此而孔氏有一初度之辰曾無記者非惟哭流風如此而孔氏有一初度之辰曾無記者非惟無記正亦自不之知夫孔子之道固不俟此以重輕逢掖之徒亦豈以斯而較彼然道尊在於師嚴而禮義存乎愛敬誠使天下橫舍能因夫子初度之辰略為之識庸何傷予曩繹齊書見臧榮緒以宣尼庚子日生每以是日陳五經而拜之未嘗不仰之也奈何天子一誕生之日史傳紀載靡有定格珞珞子云宣父畏以元辰而五行書論孔子以庚戌年二月二十三日庚子甲申時生按庚戌乃魯襄公之二十二年

是歲周靈王之二十一年而長曆其年二月二十三日實為庚子以哀公之十六年享七十有三齡然公羊傳乃於襄公二十一年書十一月庚子孔子生穀梁傳則繫於十月之後蓋十二月二十二日之庚子也是歲閏申以元術論節過在子可以庚戌語然或以為十月庚子則是今之八月乃襄公之二十一年而靈王之二十年也然歲在己酉則為年七十有四不得為之庚戌故劉外紀謂孔子年七十四雖然公羊子言十一月是月固無庚子以孔氏家譜及祖庭廣記等所以俱云二十二年十月庚子乃二十有七日故林開以為戊子之月節雖已過不知周正乃今之八月亦非得云二月矣今定著八月二十七日為先聖人孔子生日

元趙孟頫撰闕里譜系序

魯國孔君文昇以書抵僕示以闕里譜系求僕為之序且自敘其世家曰文昇之十二世祖諱檜後唐同光間避亂自闕里來居溫州之平陽檜生奕奕生源

源生實實生麗水縣丞會會生平平生達達生公志
 公志生處州司戶參軍師古師古生炳炳生貴敬貴
 敬生潼孫是為文昇皇考始家于杭宋德祐末職教
 建康當是時大兵渡江道梗不可南因又家焉至元
 廿八年以官事赴大都道卒臨清文昇忍死扶柩歸
 葬建康而諸孤長者方十歲小者未離乳抱家貧累
 眾不能復歸溫州既又娶于溧陽携諸孤就外氏以
 居遂為溧陽人矣竊懼久而忘其所自來故切切然
 以譜系為急僕嘗謂人之得姓始皆一也至其末流
 餘裔往往不知其所從來者歷年之多遷徙之不常
 而文獻之不足徵也今孔君自曲阜而溫自溫而建
 康自建康而溧陽凡三徙矣其視溫之族已若溫之
 視曲阜矣數世之後愈遠而愈疎譜系之作其可緩
 乎子曰夏禮吾能言之杞不足徵也殷禮吾能言之
 宋不足徵也文獻不足故也孔君清修好學故能繼
 紹先志續述家譜使後世子孫知本支之傳愈久而
 不忘夫禮者所以教民不忘其所由生也君子謂孔
 君於是乎知禮謹按自先聖至平陽府君凡四十二

世至文昇凡五十四世繼自今子子孫孫修先世之
 志勤勤以譜系為事雖百世可知也歷年雖多遷徙
 雖不常尚何久而忘之之懼乎君字退之今為浙西
 廉訪掾云

楊與東遊記

壬子春二月十六日庚子東平行臺公

里治丙午迺命監修官盧龍韓文獻德華上谷劉詡
 子中相其行丁未同德華子中暨攝祀事孔蒞器之
 梁山張宇子淵汴人郭敏伯達出望嶽門幕府諸君
 若曹南商挺慶卿范陽盧武賢叔賢毫社李頌周卿
 江陵勾龍瀛英孺信都李簡仲敬濟陰江紱孝卿梁
 園李紱綬卿華亭段弼輔之祖於東湖之土既別自
 西徂東行六十里宿汶上縣劉令之客廳廳汶上古之
 中都也先聖之舊治魯定公九年幸於此縣署之思
 聖堂是也有杜子美望嶽詩刻王彥章墳祠在西城
 外以斯人而仕於梁時可知矣戊申晨起器之從間
 道先往是日至兗州會州佐孟謙伯益教官張鐸振
 文誌嶧山之勝為甚詳子美所謂浮雲連海岱山平野

入青徐者登南樓詩也徐在南四百里青在東北七
 百里海在東北又不啻千里岱嶽一百餘里吁二三
 千里之遠今一舉而至與其終身拘拘儒儒於百里
 之內者不亦異乎已酉拉振文而東不四五里過泗
 河地頗高敞南望見嶧諸峰出沒於烟蕪雲樹之表
 使人豁如也又一舍許達于苗孔村見曳而斷者其
 魯城歟鬱而合者其孔林歟不覺喜色津津溢於眉
 睫也未幾器之輩躍馬出迓遂入自歸德門魯門一
 十有二正南曰稷左曰章右曰雩正北曰墾左曰齊
 右曰龍正東曰建春左曰如明右曰鹿正西曰史右
 曰齊歸德其左也當時天下學者多由是門入故魯
 人以此名之族長德剛又率諸子弟徑近于廟之西
 相與却馬鞠躬趨大中門而東由廟宅過廟學自毓
 粹門之北入齋廳在金絲堂南燕巾門之北堂取魯
 共王事也是日私忌不敢謁庚戌鐘鳴班杏壇之下
 痛廟貌焚燬北向鄆國夫人新殿設繪像修謁而版
 祝如禮告先聖文宣王曰嗟乎聖人造物也七十子
 造物之物也於問答之際見之矣問仁者七而答之

者七問孝者四而答之者四問政者九問君子者三
 所以答之者無一似焉不惟不違其所長而亦不強
 其所不能故大以成其大小以成其小造物奚間焉
 垂世立教百王所仰未有由之而不治舍之而不亂
 者也春秋諸國孰弱於魯降于八百年而知有魯者
 吾聖人之力也吁生而不見用沒而賴之以聞何負
 於魯也後之有國有家者獨不思之邪今日何日富
 匍庭下死無憾矣羈旅悠悠禮物弗備敢薦以誠告
 先師交國公曰夫士君子之學原于治心聖門三千
 徒孰非學也日好之者獨公為然無事業見於當時
 無文章見於後世考之傳記一再問而止察之日用
 一簞瓢而止終亘百世之下自天子達於庶人無敢
 擬議者將從無愆始乎抑非也不可待而知也適謁
 林廟獲瞻井里輒祭以告告先師鄒國公曰子之於
 聖人其猶天而地之日而月之歟學出於詩書道兼
 乎仁義至於知易而不言易知中庸而不言中庸此
 又人之所難能也湯武則待子而義匡章則待子而
 孝紛紛楊墨之徒待子而後黜其為功用鴻且著矣

夫豈好辯者哉。負等去聖彌遠，欲學無師而復執志，不勇，惟神其相之降階，謁齊國公及魯國夫人之殿，殿西而南向者，尼山毓聖侯也。次西而東向者，五賢堂也。謂孟也，荀楊也。王與韓也。碑孔中丞道輔，文中丞篤於信道者也。於家法無愧矣。遂飲福於齋廳，賓主凡二十有五人。酒三行而起，執事者族中子弟也。進退揖讓，禮貌可觀。信乎遺澤之未涸也。焉知教養之久，明詔之下，人物彬彬，不有經學如安國、政蹟如不疑者乎？杏壇二字，竹溪党懷英書。壇之北，世傳子路捨了石，蓋石之壓也。夫所謂勇於義而巳，豈區區若此邪？一有率爾之對而不免流俗之口，蓋亦慎諸壇南十步許，真宗御贊殿也。七十二賢并諸儒贊從，臣所撰，貞祐火餘物也。手植檜三兩株，在贊殿之前。一株在壇之南，焚檜無復子遺好事者，或為聖像，或為簪笏，而香氣特異。趙太學秉文、麻徵君九疇有頌，有詩世多傳誦之。次南碑亭二，東亭宋碑一，呂蒙正撰，白崇矩書。太平興國八年十月建。金碑一，党懷英撰，并書篆。西亭皆唐碑也。一碑，崔行功撰，孫師範書。

碑陰刻武德九年十一月詔，又乾封元年二月祭廟文。一碑江夏李邕撰，范陽張庭珪書。開元七年十月建。次南奎文閣，章宗時勅明昌二年八月也。開州刺史高德裔監修閣之東偏門刻，顧凱之行教吳道子小影三像。東廡碑六，皆隸書，而魯郡太守張府君碑非也。西廡之碑八，隸書者四，餘皆唐宋碑也。是日宴罷，併出北偏門，由襲封廡署讀，姓系碑文。又北行，由陋巷觀頽井亭，亭廢矣。北出龍門入孔林，徘徊思堂之上，由輦路而北，夾路石表二，石獸四。石人二，獸作仰號之狀，拜奠先聖墓如初禮。墓前有壇，石厚三尺許，方如之，其數四十，有九。後漢永嘉元年魯相韓叔節造，東連泗水，侯伯魚墓南連沂國公子思墓。世家云相去十步耳，而密邇若此，疑後人增築之也。然規制甚小，禮之所謂馬鬣而封者，是也。子思之西，石壇居攝元年二月造，有日上谷府卿者，有日祝其卿者。先聖墓西北，白兔溝也。二石獸狀甚恠，林廣十餘里，竹木繁茂，未見其比，而楷木以文為世所貴，無荆棘無鳥巢，將吾道終不可蕪沒，而鳳鳥有時而至，歟。林

東三里講堂也林與堂俱在洙北泗南按世家云周敬王三十六年孔子自衛反魯刪詩書定禮樂繫易於此硯臺并在其西惜去秋為水漫沒矣辛亥謁周公廟廟居孔廟之東北三里真有真宗御贊碑車輜井在正東以南南水清白而其俗呼漿水井者是也廟北雙石梁井石上綫痕有深指許者百步許得勝果寺魯故宮也殿之東北大井圓徑六十尺深二丈水色墨如也東過顏侍郎墓林城之址顏廟也廟中孤檜高五丈許由曲阜西復東北行一里入景靈廢宮觀壽陵陵避諱而改也東北少昊葬所宋時疊石而飾之北前有白石象為火爆裂壇之石欄窮工極巧殆神鬼所刻也讀碑記始知草莽於祥符潤飾於政和而大定中因之而不毀也此亦人君治平之久狃於貪侈之心之所徵也福苟可求則二帝三王必先聚而為之矣福可求乎哉大碑四諺云萬人愁者是也而二碑廣二十有二尺闊半之厚四尺巖巖高十有三尺闊如之厚四尺龜跌十有八尺二碑廣二十有四尺闊半之厚四尺巖巖高十有八尺闊十有六尺

厚四尺龜跌十有九尺一在城之外一在城之內無文字意者垂成而金兵至也陵曰壽陵者誠何謂邪入東門飯器之家復西南馳觀漢之魯諸陵大塚四十餘所石獸四石人三人胸臆間篆刻不克盡識有曰有漢樂安太守廉君景塚者有曰府君之某者杭而北渡沂水入大明禪院觀送泉水中石出如伏龜然以女正卯之奸雄而七日之頃談笑剔去則知舜刑四凶使天下翕然服之明矣孰謂聖人而有兩心哉後世如操如懿得全首領於牖下不為不幸矣登泮公臺臺下之外自西而南深丈許而無源吁僖公一諸侯能興學養士如此三詠采芹之章而後下其西靈光殿基也破礎斷瓦觸目悲涼而王延壽所謂俯仰顧盼東西周章者今安在哉壬子復由縣城東北行十里許過陶樂村南望修壠蔓延不絕者周之魯陵也東南五里達魯溝村拜聖考齊國公墓而林廣四十畝墓前石刻甲辰春二月望日五十一世孫元措立石溢津高翻書溝水在林之東北入於泗其

南防山也而山之峰東西五里云合葬於防是也林
 之北東蒙路也自西峰而南謁顏子墓石刻曰先師
 交國公大定甲辰三月先聖五十大代孫承直郎曲阜
 令襲封衍聖公孔棡立石太原王筠書墓前一石僅
 二尺許兩申土背附而坐一執斧一執金吾正北有
 小塚不可考顏氏子孫二房在少東上宋村是日東
 南行并戈山而西由白村歷西魯原達東魯原館房
 氏家泗水公古具雞黍以待古孔氏塔也問之不知
 為公孫公西也地多虎狼牧者為之懼此曉幸無所
 苦矣丑穿林麓而東約六里許達尼山五峰隱隱在
 霄漢間而中峰迥出昔之所謂垓其頂者是也廟廢
 雖久而規模猶可見其西智源溪橋也端南即大成
 門次北者即大成殿其東泗水侯殿其西沂水侯殿
 大成之後鄆國夫人殿也其後齋所也西有齊國魯
 國之殿齊國之東而南向者為毓聖侯殿大成之東
 齋廳也兵餘獨存焉正北中和壑也廟之西南觀川
 亭也瓦礫中得一斷石蓋前進士浮陽劉燁文蘆辨
 或曰夾蘆劉惡其鄙俚故辨正之夾蘆峴在尼山西

由亭之東西旋而下得坤靈洞石角濺濺不可入族
 長云廟戶管用吉成嘗持火曳綆而入比至數丈忽
 隙間有光睹一室曰廣兩楹許中橫石牀石枕皆天
 成也而不可動今五十年矣以管與吾幼而瘠故可
 入所言如此洞名劉燁之所刻也因涉沂水過顏母
 山下觀文德林以草木障翳廟與聖井無所見尋舊
 路復達曾原飢已西南瀕嶠下而出由桑家莊歷峻
 山二十里而近達四箕山遇兵士傳正徐州人導至
 鄆國公墓墓在廟之東北有泰山孫復碑孔中丞立
 石其西大塚七比正墓差小無從考之南有寺曰亞
 聖寺有碑旁有古墓三行四五里過黃注村又十里
 由石經埠正南少西行二十里達鄒縣宴彭令之宅
 四月甲寅朔飯後出南門二十里達嶧山循山之西
 北絕澗亂石如屋既而遇道者李志端為之前導復
 西北行遊太湖懸鐘一洞東南行入燕子岩僕以病
 足與德華岩下坐待諸君之還晡時子中輩踵至國
 祥且示嶧山圖蠟紙按圖指顧若仙橋之巨石七真
 之西軒下瞰紀侯之重城漢相之故塚一如眼底如

玉女峰千佛塔尤號奇絕所至流水修竹雜花名果殆若屏面而容縷數哉逼夕陽下山迤邐由西北而進達于縣之南關報孟氏諸孫迎於道左即造鄒國公廟庭奠已入縣復宴於舊館父老請見為歡飲竟夕乙卯出西門北行十里入岡山寺而孟氏諸孫復携酒至沿竹徑渡橫橋休于僧寺之靜室良久出出東北行二十五里達馬鞍山謂孟母墓北行十五里達趙山莊飯孔族家又十里許達于魯城之南登郊臺臺東西五十八步南北四十步魯之臺可見者三臺是臺與泮宮臺莊公臺也北涉沂水由竹徑登浮香亭亭以梅得名少北一石穴茶泉也亦竹溪書而不名緬思前輩風度又有足敬也丙辰曲阜官佐至以私忌不敢飲丁巳將訪嬰相圍會公叔遣其子治同諸官佐具酒饌復至不果時公叔抱樂正子之疾戊午從德剛子中登西南角臺望射圃圃在歸德門裏道側積土隱起草中或其所也臺泰和四年七月六日故人夢得之所築也竊有感于懷夢得元措之字也是夕孔族設祖席於齋廳已未辭先聖於杏壇之

下族長德剛率族人別於歸德門外國祥暨德剛之子立之護至兗州西鳴呼讀聖人之書遊聖人之里幸之幸者也然有位者多以事奪而無位者或苦力之不足也况以豐鎬之西望鄒魯之遠與南北海之所謂不相及者何異馬流離頓挫中有今日之遇伯達既繪為圖且屬僕記之敢以衰朽辭勉強應命將告休知者是歲四月五日紫陽楊奐記

皇明

世宗皇帝御製正孔子祀典說

朕惟孔子之道王者之道也德王者之德也功

王者之功也事王者之事也特其位非王者之位也昨輔臣少傅張璠再疏請正其號稱服章等事已命禮部集翰林諸臣議正外惟號與服章一事所關者重不得不為言之孔子當周家衰時知其不能行王者之道乃切切以王道望於魯衛二國一國之君竟不能明孔子之道孔子既逝後世至唐玄宗乃薦謚

日文宣加以王號至元又益其謚為大成夫孔子之於當時諸侯有潛王者皆筆削而心誅之故曰孔子作春秋而亂臣賊子懼孔子生如是其死乃不體聖人之心漫加其號雖曰尊崇其實目為亂賊之徒是何心哉又我

聖祖當首定天下之時命天下崇祀孔子於學不許祀於釋老之宮又除去塑像止令設主樂舞用六佾籩豆以十可謂尊崇孔子極其至矣無以加矣特存其號豈無望於後人哉亦或當時草創未暇歟至我皇祖文皇帝始建北京國學因元人之舊塑像猶存蓋不忍毀之也又至我

皇祖考用禮官之議增樂舞用八佾籩豆用十二牲用孰而上擬乎事天之禮也夫孔子設或在於今肯安享之昔不觀魯僭王之禮寧肯自僭事天之禮乎果能體聖人之心決當正之也至於稱王賊害聖人之甚孔子昔曰名不正則言不順言不順則事不成何其不幸身遭之哉夫既以王者之名而橫加於孔子故使顏回魯參孔伋以子而並配於堂上顏路魯曾孔

鯉以及父從列於下安有子坐堂上而父食於下乎此所謂名不正者焉皆由綱領一紊而百自因之以隳耳今也不正滋來世之非道將見子不父其父臣不君其君內離外叛可勝言哉

御製正祀典申說

朕惟為人臣盡臣道盡之云者終始無改於父之道宋子釋之曰祖父所行之事不但三年雖萬世亦不可改也少有所變豈可待之三年大成法固不可改其於一切事務不可不急於正之也朕又惟天子不可與匹夫相爭辯斯世斯時却不得不辯也昨所命議正孔子之祀典朕不知典籍且以易明者言之孔子之謚王號自唐玄宗李林甫之君

臣始夫孔子已逝在秦漢之前此間豈無賢明之君如漢高祖唐太宗皆創業垂統者何不加王號於孔子則不敢擁虛名以示尊崇之意可知矣林甫之請假尊崇師道以欺玄宗歟玄宗之所加也何其巧乎自秦而後王天下者稱皇帝漢方以王號封臣下

宗之封謚孔子何不以皇帝加之是不欲與之齊也
 特一王號猶封拜臣下耳尊崇之意何在哉蓋此王
 字非王天下之王實後世王公之王也由是夷君武
 宗假託之而加謚宋徽宗薦十二尊服徽宗之加欲
 掩其好道教而設此以尊崇耳况以諸侯王而薦天
 子之服章誣之甚也至於於雕塑之像不知孔門弟子
 即孔子死時而造之且如一人自是一人貌色不知
 可增損乎抑不可乎以一聖人而信工肆意雕塑曰
 此是孔子像也殊不知其實是土木之靈耳孔子肯
 依之享之推已之心則知孔子之心也又至於八佾
 之舞十一俎豆又僭禮之甚也決所當正

宋濂撰孔子廟堂議

世之言禮者咸取法於孔子然
 則為廟以祀之其可不稽於古
 之禮乎不以古之禮祀孔子是褻祀也褻祀不敬不
 敬則無福奈何今之人與古異也古者將祭主人朝
 服即位於阼階東西面祝告利成主人立于阼階且
 西面戶出入主人降立于阼階東西面此皆主人之

正位也卒齊祝盥于洗升自西階主人盥升自阼階
 祝先入南面主人從尸內西面祝酌奠主人西面再
 拜稽首皆為几筵之在西也尸升筵主人西面立于
 戶內拜妥尸尸酢主人主人西面奠爵拜皆為尸之
 在西也漢晉春秋所載章帝元和二年幸魯祠孔子
 帝升廟西面再拜開元禮亦謂先聖東向先師南向
 三獻皆西向是猶未失古之意也今襲開元二十
 七年之制遷神於南面而行禮者北面則非神道尚
 右之義矣古者造木主以棲神天子諸侯之廟皆有
 主卿大夫士雖無之大夫束帛以依神士結茅為最
 無有像設之事開元禮亦謂設先聖神座於堂上西
 楹間設先師神座於先聖神座東北席皆以莞則尚
 掃地而祭也今因開元八年之制擗土而肖像焉則
 失神而明之之義矣古者灌用鬯臭鬱合鬯臭陰達
 於淵泉既灌然後迎牲致陰氣也蕭合黍稷臭陽達
 於墻屋故既奠然後炳蕭合羶薌蓋求神於陰陽也
 今用熏蕪代之庸非簡乎古者朝覲會同與凡郊廟
 祭享之事皆設庭燎司烜共之火師監之其數則天

子百公五十餘三十以為不若是則不嚴且敬也今以秉炬當之庸非質乎古之有道有德者使教焉死則以為樂祖祭於瞽宗此之謂先師若漢禮有高堂生樂有制氏詩有毛公書有伏生之類也大凡始立學者必釋奠于先聖先師釋奠必有合有國故則否謂國無先聖先師則所釋奠者當與隣國合若唐虞有夔伯夷周有周公魯有孔子則各自奠之不合也當是時學者各自祭其先師非其師弗學也非其學弗祭也學校既廢天下莫知所師孔子集群聖之大成顏回曾參孔伋孟軻實傳孔子之道尊之以為先聖先師而通祀於天下固宜其餘當各及其邦之先賢雖七十二子之祀亦當罷去而於國學設之庶幾弗悖禮意今也雜糅而妄列甚至荀况之言性惡揚雄之事王莽王弼之宗莊老賈逵之忽細行杜預之建短喪馬融之黨附勢家亦廁其中吾不知其為何說也古者立學專以明人倫子雖齊聖不先父食矣故禹不先鯀湯不先契文武不先不窟宋祖帝乙鄭祖厲王猶上祖也今一切實而不講顏回曾參孔

伋子也配享堂上顏路曾點孔鯉父也列祀庶間張載則二程之表叔也乃坐其下顛倒燹倫莫此為甚吾又不知其為何說也古者士之見師以乘為贄故始入學者必釋菜以禮其先師其學官四時之祭乃皆釋奠釋奠有樂無尸而釋菜無樂是二者之重輕繫乎樂之有無也今則襲用魏漢津所製太晟之樂乃先儒所謂亂世之音者也其可乎哉古者釋奠釋菜名義雖存其儀注皆不可知唐開元禮彷彿儀禮饋食篇節文為詳所謂三獻各於獻後飲福即尸酢主人主婦及賓之義也今憚其煩唯初獻者得行之其可乎哉嗚呼學校者禮之所自出猶河瀆之宗瀛海也猶山嶽之祖崑崙也今乃舛謬若是則其他可知矣禮固非土庶人之所敢議有人心者孰能默默以自安乎雖然此固言其略耳若夫廟制之非宜冕服之無章器用則雜乎雅俗升降則昧乎左右如此類甚多雖更僕不可盡也或者則曰子之言信辨矣建安熊氏欲以伏羲為道統之宗神農黃帝堯舜禹湯文武各以次而列焉臯陶伊尹太公暨稷

契夷益傳說箕子皆可與享於先王天子公卿所官師式也當以此秩祀天子之學若孔子則兼祖述憲章之任其為通祀則自天子下達矣苟如其言則道統益尊三皇不泯於鑿師太公不辱於武夫也不識可乎昔周有天下立四代之學其所謂先聖者虞庠則以舜夏學則以禹殷學則以湯東膠則以文王復各取當時左右四聖成其德業者為之先師以配享焉此固天子立學之法也奚為而不可也

楊榮撰崇恩堂序

堯舜禹湯文武之道著於治者蓋教而萬世之治繫焉故大賢謂孔子賢於堯舜豈虛語哉是歷代以來隆其謚爵通天下而祀之可謂盛矣然不特此也又世封其後以崇德象賢其榮名厚祿可以與天地相為無窮者歟我朝當文運亨嘉之會六經之道大明而於衍聖公尤為眷厚其秩二品世襲爵邑雖仍前代之舊而褒崇禮遇可謂超越前代矣

太宗文皇帝嘗躬詣太學行釋菜禮而

仁宗昭皇帝即位行聖公孔彥紹來朝燕勞賜予情文兩致緝禮多儀具著為令彥紹躬膺眷遇以謂褒崇之盛莫踰於今日乃作堂於其家而扁曰崇恩 曾王殿下親書大字以賜之金薤雲華照耀闕里何其盛哉夫孔子之道生民至今求賴凡冠章甫衣逢掖者皆知尊尚而敬仰之而況其子孫乎况 帝王於先師之胤乎昔唐肅宗東巡至魯親祀孔廟作六代之樂大會孔氏子孫謂孔僖曰今日之會於卿族榮乎僖對曰自古明王聖主莫不尊師重道今親屈萬乘厚臨闕里此乃崇禮先師增輝聖德非臣家之私榮也肅宗喜曰非聖人子孫焉有斯言然則彥紹之所以名堂者其亦若僖之知所本乎異時書諸金匱以傳萬世其為仁廟聖德增輝豈小也哉予故樂為書之以系乎諸作之後

王鏊撰獲麟說

春秋何以終於獲麟杜預之言曰感麟而作因以為終也予以為不然孟

子曰王者之跡熄而詩亡詩亡然後春秋作又曰世衰道微孔子懼作春秋孔子傷當世之亂為萬世法戒而作春秋也豈獨為一麟哉假如麟不至春秋將不作邪鄭眾賈逵服虔謂孔子自衛反魯修經已成麟感而至胡安國亦曰蕭韶作而鳳凰儀春秋成而麒麟至余又以為不然孔子嘗曰鳳鳥不至河不出圖吾已矣夫傷不得致此瑞也孔子刪詩定書繫易正禮樂功亦至矣不聞有所謂瑞獨春秋成而麟至乎假如麟不至春秋將何所終邪且既為瑞矣又見獲於鉏商何哉然則春秋曷為以是終吾以為紀異也春秋書災不書瑞麟者聖王之瑞也時至春秋亂臣賊子接跡于天下日食星殞地震山崩水旱霜雹六鵠退飛鵠鵠來巢多麋有域史不絕書斯時也麟曷為至哉不當至而至焉茲瑞也所以為異也有年大有年祥也非所有而有焉則為異麟祥也非所至而至焉則為異楚狂之歌曰鳳兮鳳兮何德之衰茲其麟之衰乎雖然麟為聖人出也為已出而傷焉孔子其有感乎吾道其終不行乎所謂吾已矣夫者故

以是終焉

許彬撰子思書院記

魯之鄒邑孟子故宅之側舊有所豈子思之鄒時所建邪歷歲滋久遺址僅存元貞初邑大夫司居敬徙置于孟子暴書臺西與孟母斷機祠隣至正中邑尹鄧彥禮孔之威復相繼修之永樂初邑令朱寶又徙置暴書臺東與斷機祠相直距今二十餘年寔用圯壞令邑者得滑臺房侯岳慨然有志乎聖賢之事而以興舉廢墜為心乃率僚屬出俸金構材僦工經營弗懈木斲而已不加雕墻圻而已不加飾城階以石幕窓以紙衣冠像設儼然授受之容其所以啟發乎後學者多矣是工也蓋經始乎正統己未之春而落成乎明年之夏噫若侯者其用心亦勤矣哉工既成會余以省觀還寧陽拜謁闕里宣聖五十九代孫襲封衍聖公彥縉五十八代孫曲阜知縣公堂五十五代孫三氏學錄克晏謂余官翰林以文字為職業命記其事刻石以彰侯功余惟崇

儒重道興廢補敝乃長民者之首務近時有司迫於簿書期會奔走奉承且不敢又孰能留意於此哉此侯之所以崇尚前賢嘉惠後學異乎世之為邑者遠矣雖然思孟道統之傳功德在天下燦若日星與天地相為悠久其配享廟庭血食萬世固不係乎茲堂之成否而君子之為政輕重緩急不忘所自者於此乎見矣余故特書之將以愧夫世之仕者讀聖賢之書而忘其所自者也重諸公之命書以傳焉

具達可增置學田記

歲庚子仲春余以督饒之命巡行阜邑時邑令孔貞叢眾所

稱學行夙優士也由督學使者遴選上之監司監司上之銓部以聞於朝而後命之期月政成族和民阜彬彬盛矣余方慶聖商有入登之剡章而又憫聖人之後類多貧乏不給者邑令雖切周急之義如力所不逮何余報命之日急查郡邑贖緩除奏進外發兌府存餘百金於阜邑置買學田若干畝以贖貧族仍檄行該邑命擇一生掌其事歲司出納之數俾無侵缺邑令仍捐俸充廣之而屬言於余余惟先師

訓矩萬古常存尊聖道以澤聖裔夷考闕志自北魏而下代不乏人奚俟余之表章哉秉彜好德觸發興思慕聖人而不及見入聖里謁聖墓量力蠲資以賑聖族之困乏念固執不可禦耳藉令觀風斯土者同有是心孔氏後裔庶免饑寒之累乎此固余增置學田意也雖然無恒產有恒心惟士能之爾諸生既幸為聖人之後耳聞目覩夫非聖人遺訓與際茲良觀而不以豪傑自命者非夫也擬立志趣不逐逐於凡庸精詣問學不屑屑于庸近今日發之為應舉制義他日見之為經濟謨猷令寓內翕然稱之曰聖裔得賢嗣孫哉此余與諸子相期至意又不在區區田畝廩粟間也敬因阜令之請而書之勒石以識歲月云

墓表

漢泰山都尉孔公墓表

君諱宙字季將孔子十九世

省習家訓沿嚴氏春秋緝熙之業既就而閭閻之行
允恭德音孔昭遂舉孝廉除郎中郎都昌長祗傳五教
尊賢養老躬忠恕以及人兼禹湯之罪已故能興朴
素於彫弊濟弘功於易簡二載考績遷元城令是時
東嶽黜首猾夏不共鬻鼓祠兵遺畔未寧乃擢君典
戎以文修之旬月之間莫不解甲服罪載芟載耨耨田
畷喜于荒圃商旅交乎險路會鹿鳴於樂崩復長幼
於酬酢時和年稔會遭篤病告困致休得從所好年
六十一延熹六年正月乙未遂卒貴速朽之反真慕
寧儉之遺則窳窳不華明器不設凡百叩高德音靡
述於是故吏門人乃共陟名山采嘉石勒銘示後俾
有彛式一其辭曰於顯我君懿德惟光紹聖作儒身
立名彰貢登于室閭閻是更夙夜匪懈在公明明乃
綏二十縣黎儀以康於天時癰無茲岱方翦彼凶人覆

俾農商南畝孔饒山有夷行豐年多黍稱彼兕觥帝
賴其勳民斯是皇疾疢不復乃委其榮忠告慤慤屢
省乃聽恭儉自終簞簞不陳生播高譽沒垂令名永
矢不刊億載揚聲延熹七年七月造銘

唐正議大夫尚書左丞孔公墓表

孔子之後二十八世有孫曰幾字君嚴事

唐為尚書左丞年七十三上書去官天子以為禮
部尚書祿之終身而不敢煩以政吏部侍郎韓愈常
賢其能謂曰公尚壯上三留奚去之果曰吾敢要君
吾年至一宜去吾為左丞不能進退郎官唯相之為
二宜去愈又曰古之老於鄉者將自佚非自苦閭井
田宅具在親戚之不仕與倦而歸者不在東阡即在
南陌可杖履往來也今異於是公誰與居且公雖貴
而無留資何恃而歸曰吾負一宜去尚奚顧子言愈
面歎曰公於是乎賢遠於人明日奏疏曰臣與孔幾
同在南省數與相見幾為人守節清苦論議正平年
纔七十筋力耳目未覺衰老憂國忘家用意至到如
幾輩在朝不過二十數人陛下不宜苟順其求不留自

助也不報明年長慶四年正月己未公年七十四告
薨於家贈兵部尚書公始以進士佐二府官至殿中
侍御史元和元年以大理正徵累遷江州刺史諫議
大夫事有害於政者無所不言加皇太子侍讀改給
事中言京兆尹阿縱罪人詔奪京兆尹三月之俸權
知尚書右丞明年拜右丞改華州刺史明州歲貢海
蟲淡菜蛤蚶可食之屬自海抵京師道路水陸遞夫
積工歲為四十三萬六千人奏疏罷之下邳令荅外
按小兒繫御史獄公上疏理之詔釋下邳令以而華
州刺史為大理卿十二年自國子祭酒拜御史大夫
嶺南節度等使約以取足境內諸州負錢至二百萬
悉放不收蕃舶之至泊步有下碇之始稅至有閱貨
之燕犀珠磊落賄及僕隸公皆罷之絕海之商有死
於吾地者官藏其貨滿三月無妻妻子之請者盡沒
之公曰海道以年計往復何月之拘苟有驗者悉推
與之無算遠近厚守宰俸而嚴其法嶺南以口為貨
其荒阻處父子相縛為奴公一禁之有隨公吏得無
名兒蓄不言官有訟者公召殺之山谷諸黃世自聚

為豪觀吏厚薄緩急或叛或從容桂二管利其擴掠請合兵討之冀一有功有所指取當是時天子以武定淮西河南北用事者以破諸黃為類向意助之公屢言遠人急之則惜性命相屯聚為寇緩之則自相怨恨而散此禽獸耳但可自計利害不足與論是非天子入先言遂斂兵江西岳鄂湖南嶺南會容桂之吏以討之被霧露毒相枕席死百無一還安南乘勢殺都護李象古桂將裴行立容將楊旻皆無功數月自死嶺南囂然祠部歲下廣州祭南海廟入海口為州者皆憚之不自奉事常稱疾命從事自代唯公歲常自行官吏刻石為詩美之十五年遷尚書吏部侍郎公之北歸不載南物奴婢之籍不增一人長慶元年改左散騎常侍二年而為尚書左丞曾祖諱務本滄州東光令祖諱如珪海州司戶參軍贈尚書工部郎中皇考諱岑父秘書省著作佐郎贈尚書左僕射公夫人京兆韋氏父神大理評事有四子長曰溫質四門博士遵孺遵憲溫裕皆明經女子長嫁中書舍人平陽路隋其季者幼公昆弟六人載戡戡戡威威公

於次為第一公之薨敢自湖南入為少府監其年八月甲申敢與公子葬公于先公僕射墓之左一銘曰孔世卅八吾見其孫白而長身寡笑與言其尚類也莫與之倫德則多有請考于文一吏部侍郎韓愈撰

宋守御史中丞贈太尉孔公墓表
公諱道輔字原魯孔子四十五代孫

其世系之詳史冊記于國封爵傳其家名教所宗海內胥仰公天性英異在髫年則舉止莊重言不妄發咸平中舉鄉進士為兖州首冠明年春御前擢進士第時祥符五年也釋褐彭原幕時年二十七州守初易之後郡獄屢處駁議老吏嗟服彭原秩滿祥符九年詔擢為大理寺丞案曲阜主祠事不以私恩害公義故貳樞姜公為本道廉訪使行部過邑問公移廩庾公不對但高談皇王大略姜怒按其邑一一修舉姜不能責解邑遷殿省丞入朝上章陳祖廟制度卑陋不稱乞加修崇優詔可其請命公躬主役事不日而成乾興元年遷太常博士天聖元年詔人為左正言知諫院公不避權佞在諫院七年封章論事軒陛

盡規忠言密啟無所隱避奏草隨滅天聖八年春內
出雙頭牡丹詔兩制館閣賦歌詩以進公作古賦奏
御引曰臣非館閣不得預於諫道正辭臣之職也大
旨陳君臣正道箴補當時上覽之嘉賞翊日有詔直
史館又判三司理司尋為北蕃國信使舊名延魯至
是改今諱焉至木葉山虜主命宴遣臣就席有公酒
以小玉琖公辭以不飲侑者既傳君旨又曰飲此則
氣和公曰不和無害但天性不飲耳虜君臣皆相顧
使還以功除左司諫充龍圖閣待制朝廷見語錄對
虜主有不和無害之說言事者繼進以謂正觸機會
彼當有辭陛見日上問之公曰契丹為黑水所破勢
甚衰但每見朝使臣俾館候者預構語言挑探強弱
使臣一不敢對臣恐以此輕中國上大悅由是群謗
不能進判流內銓遠勢利絕私請孤寒得善地為當
時所稱天聖九年出典汝陽以貳卿在單父也亭候
密邇奉親甚懽朝野榮之汝陽庶務澄肅奸猾去
境一日兵隸繫十餘輩云私渡黃河公亟命釋之公
自判奏曰頃者河決南燕分流及鄆有司瓶渡利於

誅求今水復故道號為乾河夫蒙之田限以南北民
情自便官禁未除真之嚴科寔非聖意優詔從之九
年復判流內銓旋命公使北庭賀冊禮復命轉兵部
員外郎在職天聖十年出知許州圭田素厚過期而
後赴明道二年四月就移知應天府兼南京留守司
是年境內蟲饑公慮濟之無及亟發倉以貸然後聞
上父子室家相保者惟南都焉纔十一月召入權御
史中丞朝論肅清權勢引避是年皇后郭氏將出為
金庭教主公亟率諫官御史十人袖疏伏閣請對時
后已有成命上命內侍近臣就東上閣門引公等赴
中書俾丞相宣諭公曰某等外聞中宮動搖未詳德
音願面見陛下上已歸禁中不得已見政事堂時丞
相與公對立堂上丞相曰禁中事不得知或不
便於聖人臣子非所安公曰人臣視天子與后猶子
之事父母也父母不和可以諫止未聞為人子者順
父出母禁中事不當知丞相又曰漢唐以來亦嘗有
廢后公對曰方今太平天下待丞相如臯夔日望致
君如堯舜漢唐廢后何足取法丞相不能對公拂袖

引諫官御史出明日晨謁將至右掖門有吏持勅赴馬前已除諫議大夫知秦州臺吏促行出都門時諫官御史十人皆一時名輩范仲淹嘗謂所知曰孔公方正名天下所共知昨當嬰鱗之際事在不測觀其容止愈端重顏色不沮喪附中臣之對答丞相之語應若宿構言有條理此過於前所聞矣景祐二年四月移知交州公佩本郡符歸故鄉專以鎮靜敦厚風俗為務八月有詔就拜龍圖閣直學士給事中初近臣有進百首詩者時相奏可與直學士上曰此百首詩不如孔道輔一言故有是命時貳卿新改秘書監夫人進封仁壽郡君公自府廨詣曲阜一舍之間旌旗鼓吹之迎引後先耆幼懽呼遮擁行路至則為壽燕樂于私第榮遇之盛則有祖徠石守道先生恩巖堂記具焉又以孟荀楊王韓五子排邪說翊大道像設於祖堂西偏公為之記觀其文亦足以見公之心至寶元年党項逆節朝廷思得體貌大臣端本澄源拜公御史中丞公拜命受職知無不言無所迴避奸邪側目矣上已許大用素思公者畏其同列一夕事

變且以治獄有附會明日罷御史中丞知鄆州二年十一月道輔自中丞出知鄆州初開封府吏馮士元以賍敗辟連知樞密節度參知政事程琳宰相張士遜以素惡琳而疾道輔不附已將併逐之謂道輔曰上顧程公厚今為小人所誣宜為辯之道輔入對言琳罪薄不足治上怒以道輔朋附大臣故併出之公盡瘁感病行至滑之韋城驛以不起聞諸孤扶護旅櫬歸葬於祖林祖墓西南偏公娶尚氏淑令有文進封鄒國夫人子二曰舜亮曰宗翰並中進士第女三長適殿中丞李黃中封壽光縣君次適王氏又次適張氏皆早卒孫七人若升若谷若古恢惇忱恂皆仕嗚呼公平生以忠孝節自任介然卓立天地間一旦被譴謗佞奸織喜相慰勞茫茫蒼天無言而默識賢如楊震蕭望之猶不免當時謗公犯群邪眾惡雖遇仁主猶不得安其位行其道終於牖下復何恨焉辭陳公之說折節待遷手斷妖蛇不足為公道者此不復書公在位時諸子尚幼故乎生風跡不能盡記惟宗益知之寔詳然常恨世無直筆天下銘撰皆為勢

利所屈不惟欺人耳目抑亦自欺肺肝幽有鬼神安
 得無過今所論次直欲質諸高厚表於方來矯勢利
 以傳信謹為銘曰一聖人之後不必皆賢唐堯虞舜
 嗣緒頹然君子之德未必俱全子游子路科等分焉
 偉哉孔公賢德咸備自性達物以誠求志剛粹言天
 靜方宣地節義不回忠孝自遂長於圖治勇在除奸
 文能靖國武可摧山視虜於掌憂國在顏孰知天意
 使去人間謂天生賢為宋左右胡其多難跋前踳後
 謂天祚聖為孔裔賈胡其不延摧英隕秀人謂至難
 公獨為易羞胡可誅麟鳳可致志今在泉功不見世
 神明共知良史勿記史筆是非人情好惡在昔難平
 于今孰保公葬祖林神物來護忠骨英聲長耀千古
 一工部郎中張宗益撰

金贈正奉大夫襲封衍聖公孔公墓表

至聖文宣王
 五十一代孫諱

摠字元會曾祖諱若蒙襲封奉聖公贈朝奉郎伯祖
 諱端友朝奉郎直秘閣襲封衍聖公宋建炎二年冬

祀大禮赴揚州陪位值兵大隔絕其弟端操之子璠
 已襲封訖長子拯皇統二年三月補文林郎襲封衍
 聖公無嗣其弟摠大定三年七月補文林郎襲封衍
 聖公管勾先聖祀事公三歲而孤幼穉警悟及長力
 學自強通春秋左氏尤喜韓愈詩文談論簡尺多引
 二書先輩多稱譽之公職在嚴奉林廟草木諸人無
 敢輒犯宗族之間少長有禮人敬其勤復畏且愛一
 日顧瞻鄆國夫人殿私自言曰生為入子孫而謬當
 其職使之隘陋如此寧不媿于心乎乃親率佃戶携
 斧斤之具入東之蒙山躬親指畫採伐中椽楠者旬
 有餘日連車接軫以歸起西廟尼山廟兩處鄆國夫
 人殿及大中門家廟齋廳祭祀庫記五十餘楹彩飾
 圖繪畢備朝廷聞公名召赴闕欲留隨朝任用公力
 辭職專祀事不宜妨職任之不專則特授曲阜縣令
 未到任歲大旱既到任甘雨三日而止稼穡益茂歲
 仍大熟公精勤吏事縣署至所居住返十餘里及晚
 治縣無一日稍闕差科甚均詞訟無滯親族有訟即
 移佐官無少長皆向意諸村當首人舊驗物力差當

公預令定奪相次明以公文告示比至其人已自承
 認交替不復更至庭下每歲夏絹凡丈尺小戶舊合
 併全足輸納隨村首目皆自斂掠公止令依市價積
 算和買使併起納盡革舊弊縣城摧壞官計公修築
 公戒董役者曰慎勿拆廬舍壞塚墓若廬舍有礙當
 隨地築之塚墓有壞當以已俸完之一者既安吾心
 亦安矣其有不戒葬穴無主暴露枯骨當遣使厚葬
 乏有禪曰叢塚邑人春冬祀之葬畢是夜夢眾人來
 謝內一人稍前來云哉暮雲之弗及既寤遣人搜求
 又得十餘副復夢來謝公年四十得數子皆不育一
 夜夢異人衣冠偉然告曰今此非爾子後丑年庚月
 丁日所生真爾子矣當名元措公儉於奉已厚於賓
 客周惠困窮不問家之有無娶泗水孫氏宋副樞密
 孫傅之女孫後封魯郡太夫人又娶泗水侯氏二子
 長節元措今襲封衍聖公次元絃業進士女一人適
 兖州宣武韓昇公享年五十三終奉直大夫以子貴
 贈正奉大夫嗚呼孔子之澤及於無窮國家褒崇之
 恩方自此始又豈止此而已哉一學士党懷英撰

元襲封衍聖公贈中奉大夫河南江北等處行中書

省叅知政事護軍追封魯郡公謚文肅孔公神道碑

公諱思晦字明道孔子五十四世孫也魯祖元孝祖
 之厚贈亞中大夫濟寧路總管輕車都尉魯郡侯父
 浣贈嘉議大夫禮部尚書上輕車都尉魯郡侯母李
 氏追封魯郡夫人公生至元四年七月天姿穎秀羈
 州讀書已識大義導江張先生頌為二氏教授公受
 業馬講求義理薄詞章尊德行家貧躬耕雖劇寒暑
 不懈于學先生深器重之甫年十有七禮部公棄世
 喪葬以禮奉母以孝聞遠近爭聘致為弟子師大德
 七年遊京師國子祭酒耶律公有尚謀薦辟之以親
 老固辭至大元年太夫人卧病躬進藥餌衣不解帶
 及居喪勺水不入口者五日三年喪畢二氏教授舉
 茂才授范縣儒學教諭延祐二年調寧陽學先是兩
 邑教官率以廩薄不能受職公儉約自將教養有法
 比代皆挽留不忍舍二年族人合議以公嫡長且賢

宜襲封爵王祀事上政府未決平章政事李韓公備禮部力主之會仁宗皇帝問孔子之裔迄今幾世襲封為誰李公具以對仁宗親閱譜若曰以嫡應襲者思晦也復奚疑且以前襲封秩卑俸薄遂授中議大夫襲封衍聖公月俸自百緡加至五百緡鑄印四品恭定三年山東廉訪副使王鵬南言襲封上公而秩正四品於格弗稱且失尊崇意明年陞嘉議大夫至順三年改鑄二品印公自以宗社責重恒懼弗稱蒞事之際必敬且慎初廟燬於兵後雖苟全而樓角圍墻未備乃竭力營度卒復舊規金絲堂壞儲時祀餘貲葺新之不足補以已俸繪飾從祀塑像補完祭器禮服請于中書置江南郡縣書籍尼山毓聖之地廟毀而碑存居民具耕祭田且百年矣稽諸典故言於部使者命鄒縣長沐陽令往覈之復田百五十畝歲入粟四十有八石因請置尼山書院三氏學田二千畝在沛縣之刁陽為豪民所據檄州與沛縣歸復疆州官受賕敗其事公往復辯議再歲克定鄒縣子思書院舊有錢百緡貸於民取子錢供祭祀又則并負

其本移憲可徵之前代封聖父齊國母魯國公言于朝宜聖封王而父爵猶公願加褒崇有旨加聖父啟聖王母王夫人公府初止設掌書一人書籍音樂無司之者金穀無任出納者以是為言遂置典籍司樂管勾凡三人分掌之祿秩視國子監且給管勾印掌書祿視寺監五季時孔末之後方盛欲以偽滅真乘亂害宣聖子孫幾盡其後欲冒稱公以為不早辯則真偽久益莫究彼於我不共戴天乃共拜殿庭而列于族可乎遂會族人稽典故斥絕之家譜石刻既毀因叅究考廣記諸書重刻焉元統元年寢疾閏月乙巳薨于正寢異香滿室群鶴百餘翔于上又見神光自東南殞于舍北云已西葬祖塋西一百步娶張氏封魯郡夫人子一人克堅爵嘉議大夫襲封衍聖公至正八年陞一品銀章進中奉大夫後歷官同知太常禮儀院事治書侍御史山東東西道肅政廉訪使集賢直學士禮部尚書陝西諸道行御史臺侍御史遷國子祭酒女四人適李德明孫大用喬元善馬元用孫男九人希學嗣爵中奉大夫襲封衍聖公希說

希範希進希麟希鳳希順希尹皆國子生希贊其季也孫女二人曾孫男五人女四人公端重簡默動容不苟嗜學誨人本于真誠於宗族猶隆恩義嘗曰吾蒙祖宗遺澤殊流同源可不念諸或不給者周之子弟皆籍于學教養不怠女兄適裴氏而貧逆養甚謹女弟未疾且不慧起居必待于人每親為頽泚性尚清素疎財好義嘗市物隨所需直酬之或謂彼市道之人胡不議其值而後償公曰吾以誠心待人其忍欺予哉所居就襲封舊廡不改作終不構私室其薨也家無尺寸之遺公暮年多疾未嘗廢書作字端楷可法故三氏子孫與凡四方受業仕而有聞于時者多公造就薨之日莫不哀之會葬者以千計後十有七年贈中奉大夫河南江北等處行中書省參知政事護軍追封魯郡公謚文肅克堅以江浙行省左右丞汪公澤民守袁州時所述行狀屬林廟學正夏以忠來俾素論撰先德篆銘神道之碑素不敢以固陋辭則序而為之銘一銘曰微子之胤篤生聖師歷聘侯國式扶民彝維文肅公五十四世克昌其家宏

廓震厲導江張氏學探本源授業三氏遊道之園有燦群經出自屋壁芟闢蕪辭毋俾秦塞濮有范縣充之寧陽教行下邑絃誦琅琅茲大宗猶秉周禮襲封上公明斷天啟超進華秩匪公之榮右文貴德天下化成公在魯邦士有標準胡不遐齡者碩斯隕緊子暨孫不承寵光節惠易名錫禮煒煌爰述始終刻名關里與國咸休宜受多祉一翰林學士臨川危素撰

皇明資善大夫襲封衍聖公孔公墓表

洪武十四年秋九月二十日宣

聖五十六代孫資善大夫襲封衍聖公以疾終於正寢越二年為洪武甲子春正月其子訥以服闋入觀禮官引見華蓋殿

上問以宗族蕃衍子姓賢否訥奏對動合禮度即命館于太學翌日召嗣襲封衍聖公御製誥詞以賜既受封五日出前左司員外郎王翌誌其先公墓誌銘示予曰不肖孤負荷先德忝嗣厥世聖天子不以訥無所肖似俾襲顯封位列公爵惟是先

考之卒雖紀其歲月納諸壙中墓道碑石尚未有刻
 先生職司文衡奎先生其誰托哉敢固以請既還之
 四月復以書來速遂即其世系封爵卒葬月日以著
 之按公諱希學字士行宣聖五十六代孫曾祖浣贈
 通議大夫禮部尚書上輕車都尉追封魯郡侯曾祖
 妣李氏追封魯郡夫人祖思晦襲封衍聖公贈通奉
 大夫河南江北等處行中書省參知政事護軍追封
 魯郡公諡文肅祖妣張氏追封魯郡夫人考克聖嘉
 議大夫襲封衍聖公累陞中奉大夫陝西諸道御史
 臺侍御史妣張氏封魯郡太夫人公賦性明敏好學
 尤嗜漢隸甫冠卽有成人志二十一歲侍御公始起
 同知太常禮儀院事以公襲封公克自樹立於經籍
 子史靡不研究問學優贍文詞典雅每賓客燕集談
 笑揮灑輒以成章皆出入人意表觀者竒之四方好事
 者多求公書隸得之則什襲珍藏元季兵起青齊憂
 及闕里公誓不汙於亂卽間道走燕城得賜身拜秘
 書卿仍襲封爵歲戊申秋
 皇明初革元命海宇以次平治朝謁行在

上清問下民公卽以歷代治亂條對從容有序甚嘉納
 之自後歲覲京師賜予稠疊恩禮益隆每正旦
 上受萬國朝賀特命公班亞上相始至中使慰勞館餽
 下及童隸無不霑給蓋其誠意所動
 宸衷特加異數也祖庭自兵後日就圯壞所廢浩穰公
 從容措置期以歲月卒就成功復祭田侵于豪民者
 五十頃禮器禮服樂舞儀式以次備舉燁然一新卒
 復舊規年四十七卒遠邇大夫士聞者莫不悼其不
 克于壽也訃聞朝廷遣使禮祭是年十一月初六
 日葬于孔林之西公凡再娶先配董氏中州功臣世
 家贈曾郡夫人繼室孫氏前進士遼陽行省平章彥
 明女卒皆祔葬子男二人長曰訥董氏出也次曰譚
 孫氏出也女二人長適澈南衛楊鎮撫子楊思次在
 室孫男一人曰稱尚幼公昆弟八人在公爲長次希
 說希範希希進希麟希鳳希順希尹希贊皆有文學家
 庭雍睦爲東魯家法余記弱冠遊太學師事助教陳
 仲衆先生而公之父侍御公寔同齋舍者有年情好
 日洽後幾二十年當元季兵起公間道歸朝時侍御

公主太常公侍左右神采迥異信其名門子也余於
今獲領太學而公之子訥已襲封號則知公者莫余
若也請銘奚敢辭銘曰一聖澤汪洋厚德流芳公承
其慶奕世稱昌才鬱乎中鑑其琳琅脫略芳葩惟德
是將

皇明啟運奄有萬方崇文右教盛際虞唐通修衰典光
我素王公襲其封世奉烝嘗惟聖子孫表表昂昂歲
時來朝禮錫孔彰報效未伸蚩夜匪康祖庭百儀端
復其常曾山蒼蒼泗水湯湯鬱然孔林為公之藏有
子才良蚤服

寵章製誥維新雲漢輝煌存沒有光楹碑道傍千載不
忘一朝列大夫國子祭酒同修國史宋訥撰一體云
皆有墓表不能具載每朝存一篇以備一體云

關里誌卷之十二終

記關里誌之後

貫徹古今固有人心無一物不
存無一時不然者斯道也矣然
而非有聖者出而品節之以明
亦焉能孰茲以有蔽之質而曉

網常之溼哉人而昧於此則不知
所以其貴於物之實也而吾侪生
萬歲之下於偏僻之域而纔聞有
天子心上有生之大幸乎其古昔
聖王之所以致雍熙之鴻勳者亦

不過使膏澤被其當世而獨宣聖
之化令億萬斯年之人有以自淑
至於遠陬遐壤幽谷巖窟之生或
與聞焉者以餘澤之所及也於愛
宣聖不忘信哉賢於堯舜之言固

不阿其所好樂共子曰民生於三事
之如父生之師教之君食之其以師
參君父之尊者以有令其知此道也
然則宣聖萬世追尊之所以配君父
也敬戴之情豈可息乎是以仰冀詣

其廟堂拜其神位觀其文物禮
度而不可得者奚止吾儕而已
間含章公暇日讀孔貞叢之闕
里誌以爲僂然如拜趨於聖林
蓋觀其後王後賢之得門入德守

正開邪屈已厚禮祭典必嚴贈封
崇謚極尊致隆以化風成俗國祚
依保從祀血食永世尚崇則使人
皆有感發興起焉不可以不博其
傳於斯奉家君之命發藏書命以

鏤梓大其好古道之盛志筆之以
置諸卷武因謂凡尊名教之朝無
不以以設學校興聖師而矧吾
國主張人倫所謂君子國者而古
者存是禮昭々お傳記後世漸陵

夷而今已滅矣噫可勝嘆哉其
所擇取之當否雖未能詳之若
其禮制之因革歷代之事故則審
於此等之書若夫心法之傳設教
之方則著於四子六經而今幸與

在焉何爲其不以致思耶 寬文
己酉臘日谷 松於東關之德堂館
謹書焉

Vertical text columns within a rectangular border, likely bleed-through from the reverse side of the page. The text is faint and difficult to decipher.

五

五

